



RAPORO Y'IBIKORWA Y'UMWAKA 2021-2022

GAHUNDA Y'IBIKORWA Y'UMWAKA 2022-2023

Nzeri 2022

-  www.rgb.rw
-  [@GovernanceRw](https://twitter.com/GovernanceRw)
-  info@rgb.rw
-  [Rwanda Governance Board-RGB](https://www.facebook.com/Rwanda-Governance-Board-RGB)
-  [RGB Rwanda](https://www.youtube.com/RGB-Rwanda)



URWEGO RW'IGIHUGU RW'IMIYOBORERE

**RAPORO Y'IBIKORWA
BY'UMWAKA
2021-2022**

**GAHUNDA Y'IBIKORWA
BY'UMWAKA
2022-2023**

— IJAMBO RY'IBANZE

IJAMBO RY'IBANZE

2022

Mu izina ry'Urwego rw'Igihugu rw'Imiyoborere (RGB), nejejwe no kubagezaho raporo y'ibikorwa y'umwaka w'ingengo y'imari wa 2021-2022 na gahunda y'ibikorwa by'umwaka w'ingengo y'imari wa 2022-2023. Nk'uko biteganywa n'itegeko, RGB ishyikiriza buri mwaka Perezida wa Repubulika n'Inteko Ishinga Amategeko imitwe yombi gahunda na raporo y'ibikorwa byayo no guha kopi Perezida w'Urukiko rw'Ikirenga na Minisitiri w'Intebe. Ni muri urwo rwego RGB itanze iyi raporo ku nshuro ya gatandatu.

Iyi raporo igaragaza uko Urwego rw'Igihugu rw'Imiyoborere rwashyize mu bikorwa ibyari biteganyijwe mu mwaka w'ingengo y'imari wa 2021-2022, ikanerekana ibibazo bikeneye kwitabwaho mu nzego zitandukanye nk'uko byagaragajwe n'ubushakashatsi n'igenzura bya RGB. Iyi raporo kandi igaragaza ibikorwa by'ingenzi RGB iteganya mu mwaka w'ingengo y'imari wa 2022-2023.

Mu mwaka w'ingengo y'imari wa 2021-2022, RGB yari yateganyije ibikorwa 36 byashyizwe mu bikorwa ku kigero cya 94.4%. Ku bijyanye n'ingengo y'imari, RGB yari yagenewe 3,180,305,157 Frw arimo 1,552,260,038 Frw yaturutse mu ngengo y'imari ya Leta na 1,628,045,119 Frw yatanze n'abafatanyabikorwa binyuze mu mishinga ishyigikira gahunda z'imiyoborere. Muri rusange ingengo y'imari yakoreshejwe ku gipimo cya 90.4%, aho ingengo y'imari itangwa na Leta yakoreshejwe ku gipimo cya 97.6% naho iy'imishinga ikoreshejwe ku gipimo cya 83.5%.

Ibikorwa by'Urwego rw'Igihugu rw'Imiyoborere mu mwaka w'ingengo y'imari wa 2022-2023 bizibanda ku bushakashatsi n'igenzura ry'imiyoborere n'imitangire ya serivisi. RGB izanakora ubushakashatsi ku iterambere ry'itangazamakuru, imiryango itari iya Leta n'uburyo bwo kwishakamo ibisubizo. Ibyo bizatanga amakuru yifashishwa n'inzego zitandukanye mu igenamigambi na politiki. Ayo makuru azanafasha RGB mu bukangurambaga n'ibiganiro bigamije gukomeza guteza imbere serivisi nziza, imiyoborere myiza n'urwego rw'itangazamakuru. Ibi bizajyana no kwandika, gukurikirana ibikorwa no kongerera ubushobozi imiryango itari iya Leta, imiryango ishingiyeye ku myemerere ndetse n'imitwe ya politiki. RGB izakomeza kubaka ubufatanye n'imikoranire n'inzego zitandukanye hagamijwe guteza imbere amahame y'imiyoborere no kunoza imitangire ya serivisi mu nzego zose.

Ndashima buri wese wagize uruhare mu ishyirwamubikorwa ry'ibyo RGB yari yateganyije mu mwaka dusoje. Ibikorwa RGB yagezeho ibikesha umurava, ubufatanye n'ubwitange byaranze abakozi bayo ndetse na Guverinoma y'u Rwanda yayigeneye ingengo y'imari binyuze muri Minisitiri y'Imari n'Igenamigambi. Ndashima kandi uruhare abafatanyabikorwa batandukanye bagize mu ishyirwamubikorwa rya gahunda n'imishinga. Dukomeze ubu bufatanye, turushaho no kubuteza imbere kugira ngo ibikorwa biteganyijwe bizatange umusaruro wifuzwa mu guhindura ubuzima bw'abaturage.

Dr. KAITESI Usta
Umukuru w'Urwego

IBIRIMO

Ijambo ry'ibanze	v
Ibirimo	vi
Urutonde rw'amashusho	viii
Urutonde rw'amakarita	ix
Urutonde rw'imbonerahamwe	ix
Urutonde rw'amagambo mpine	xii
Incamake	1
Intangiriro	5

IGICE CYA MBERE: IBYAKOZWE MU MWAKA WA 2021– 2022

	7
1.1. Ubushakashatsi ku miyoborere no guteza imbere uburyo bwo kwishakamo ibisubizo mu Rwanda	8
1.1.1. Incamake y'ibyavuye mu bushakashatsi ku gipimo cy'imiyoborere mu Rwanda (RGS 9)	8
1.1.2. Incamake y'ubushakashatsi ku ishusho y'uko abatwariye babona imiyoborere n'imitangire ya serivisi mu nzego zibegereye (CRC)	13
1.1.3. Incamake y'ubushakashatsi kuri gahunda mbonezamukirire y'abana bato (ECD Scorecard)	18
1.1.4. Gusesengura ibyegeranyo mpuzamahanga bivuga ku Rwanda	20
1.1.5. Gutanga uburenganzira bw'ibanze no gukurikirana ubushakashatsi bukorwa ku miyoborere no ku buryo bwo kwishakamo ibisubizo mu Rwanda	26
1.2. Kwandikisha mu Rwanda uburyo bwo kwishakamo ibisubizo	27
1.3. Kumenyekanisha ibyavuye mu bushakashatsi ku miyoborere	28
1.3.1. Imenyekanisha ry'ibyavuye muri CRC 2021	28
1.3.2. Gutangaza igipimo cy'Imiyoborere mu Rwanda (Rwanda Governance Scorecard)	30
1.4. Imitangire ya serivisi, kwimakaza imiyobore myiza n'ihuriro ry'abafatanyabikorwa mu iterambere (JADF)	31
1.4.1. Kumenyekanisha ibipimo fatizo by'imitangire ya serivisi (quality service delivery standards)	31
1.4.2. Gutegura amahugurwa ku mitangire ya serivisi mu nzego za Leta, iz'abikorera n'iz'imiryango itari iya Leta	31
1.4.3. Igenzura ry'imitangire ya serivisi yo kwishyura ba rwiyezamirimo mu nzego za Leta, iz'abikorera n'imiryango itari iya Leta	33
1.4.4. Igenzura ry'iteganyabikorwa rigamije kunoza imitangire ya serivisi	33
1.4.5. Igenzura ry'imitangire ya serivisi zo gutwara abantu mu buryo bwa rusange muri bisi	34
1.4.6. Gukurikirana ishyingirwamubikorwa ry'inama zatanze ku mitangire ya serivisi	36
1.4.7. Ubukangurambaga ku mitangire ya serivisi binyuze muri gahunda ya "Nk'uwikorera"	36
1.5. Guteza imbere amahame y'imiyoborere myiza no guhuza ibikorwa bya JADF	37
1.5.1. Ubukangurambaga ku miyoborere, imitangire ya serivisi no kuzamura uruhare rw'abaturage binyuze muri gahunda "Imiyoborere Twifuza"	37
1.5.2. Ibiganiro n'urubiyiruko rwiga mu mashuri yisumbuye, amashuri makuru na kaminuza	37
1.5.3. Guhuza ibikorwa bya gahunda yo kwigenzura no kwigirana (Peer Review and Peer Learning)	37
1.5.3.1. Incamake y'ibyavuye mu igenzura mu Ntara y'Amajepfo	39
1.5.3.2. Incamake y'ibyavuye mu igenzura mu Ntara y'Iburengerazuba	40
1.5.3.3. Incamake y'ibyavuye mu igenzura mu Ntara y'Amajyaruguru	42
1.5.3.4. Ibyavuye mu igenzura mu Ntara y'Iburasirazuba	44
1.5.3.5. Incamake y'ibyavuye mu igenzura mu Mujyi wa Kigali	45
1.5.4. Isewengura ku mikorere y'Inama z'Ubuyobozi mu bigo bya Leta n'iby'abikorera	47

1.5.5. Guhuza ibikorwa by'ihuriro ry'Abafatanyabikorwa mu Iterambere (JADF)	48
1.6. Imitwe ya politiki, Imiryango itari iya Leta n'Imiryango ishingiyeye ku myemerere	50
1.6.1. Kwandika imiryango itari iya Leta, imiryango ishingiyeye ku myemerere n'imitwe ya politiki	51
1.6.2. Gutangiza ikoresha rya "system" y'ikorabuhanga yo kwandika imiryango itari iya Leta; imiryango ishingiyeye ku myemerere n'imitwe ya politiki	52
1.6.3. Kugenzura imikorere n'iyubahirizwa ry'amategeko mu miryango itari iya Leta, imiryango ishingiyeye ku myemerere n'imitwe ya politiki	52
1.6.3.1. Ibyavuye mu igenzura ryakozwe mu miryango itari iya Leta n'ishingiyeye ku myemerere	53
1.6.3.4. Imikorere y'Imiryango mvamahanga itari iya Leta	55
1.6.3.5. Imiryango yagaragayemo amakimbirane n'icyakozwe	57
1.6.3.6. Gusesengura raporo z'imitwe ya politiki ku mikoreshereze y'imari	57
1.6.4. Ibiganiro n'imiryango itari iya Leta, imiryango ishingiyeye ku myemerere n'imitwe ya politiki	58
1.6.4.1. Ibiganiro n'imiryango ishingiyeye ku myemerere	58
1.6.4.2. Ibiganiro n'imiryango nyarwanda itari iya Leta	58
1.6.4.3. Ibiganiro n'imiryango mvamahanga itari iya leta	60
1.6.4.4. Ibiganiro n'imiryango itari iya Leta yo mu bihugu bya Commonwealth	60
1.6.4.5. Ibiganiro byerekeranye no kurwanya ibyaha by'iyezandonke, ibyo gutera inkunga ibikorwa by'iterabwoba n'ikwirakwiza ry'Intwari za kirimbuzi	61
1.6.5. Kongerera ubushobozi imitwe ya politiki	61
1.6.6. Kubaka ubushobozi bw'imiryango itari iya Leta n'ishingiyeye ku myemerere	61
1.7. Gukurikirana, kubaka ubushobozi no guhuza ibikorwa by'itangazamakuru	65
1.7.1. Kongerera ubushobozi ibitangazamakuru n'amashyirahamwe y'abanyamakuru	66
1.7.2. Kwimakaza ubunyamwuga mu itangazamakuru	67
1.7.3. Gukurikirana no guhuza ibikorwa by'itangazamakuru	68
1.7.3.1. Kumenyekanisha ibyavuye mu bushakashatsi ku gipimo cy'iterambere ry'itangazamakuru mu Rwanda (Rwanda Media Barometer-RMB 2021)	68
1.7.3.2 Kwizihiza Umunsi Nyafurika w'itangazamakuru	68
1.7.3.3. Ubukangurambaga ku Itegeko ryerekeye kubona amakuru	69
1.7.3.4. Ibiganiro ku iterambere ry'itangazamakuru	69
1.8. Ibiganiro ku miyoborere	71
1.8.1. Amatsinda aturutse hanze y'u Rwanda RGB yakiriye	72
1.8.2. Ibiganiro RGB yatanze mu bafatanyabikorwa batandukanye	72
1.9. Ubuyobozi n'imirimo rusange	73
1.9.1. Gushyiraho Inama Ngishwanama ku miyoborere	74
1.9.2. Ishyirwamubikorwa rya gahunda y'ibikorwa, ingengo y'imari n'amasoko	74
1.9.3. Gukurikirana ishyirwamubikorwa ry'ingamba zo kwimakaza ihame ry'uburinganire muri gahunda n'ibikorwa bya RGB n'iby'Abafatanyabikorwa	75
1.9.4. Ibindi byakozwe	76
1.9.4.1. Ubugenzuzi bw'imari ya Leta y'umwaka wa 2020-2021	76
1.9.4.2. Kongerera ubushobozi Urwego n'abakozi barwo	76
1.9.4.3. Kwibuka ku nshuro ya 28 Jenoside yakorewe Abatutsi	76
IGICE CYA KABIRI: IBIKWIYE KWITABWAHO KU BURYO BW'UMWIHARIKO	78
2.1. icyiciro cy'ubuhinzi	78
2.2. icyiciro cy'ubutaka n'imiturire	81

2.3. Ibikwiye kwitabwaho mu mikorere y'ingo mbonezamukurire y'abana bato (ECDs)	83
2.4. Ibikwiye kwitabwaho byagaragajwe na RGS ya 9	85
2.5. Ibikwiye kwitabwaho mu miryango nyarwanda itari iya Leta n'imiryango ishingiyeye ku myemerere	87
2.6. Ibikwiye kwitabwaho mu mitangire ya serivisi zo gutwara abantu mu buryo bwa rusange	88
IGICE CYA GATATU: GAHUNDA Y'IBIKORWA BY'UMWAKA WA 2022-2023	89
3.1. Ubushakashatsi ku miyoborere no guteza imbere uburyo bwo kwishakamo ibisubizo	90
3.2. Imitangire ya serivisi, kwimakaza imiyobore myiza no guhuza ibikorwa by'Ihuriro ry'Abafatanyabikorwa mu iterambere ry'Uturere (JADF)	90
3.3. Kongerera ubushobozi imitwe ya politiki, Imiryango ishingiyeye ku myemerere n'Imiryango itari iya Leta	91
3.4. Guteza imbere itangazamakuru	91
3.5. Ubuyobozi n'imirimo rusange no kubaka ubushobozi bw'Urwego	91
3.6. Ingengo y'imari ya RGB ya 2022-2023	92
IGICE CYA KANE:	93
IMIGEREKA	94

URUTONDE RW'AMASHUSHO

Ishusho ya 1: Umubare w'Inkingi, ibipimo n'udupimo	8
Ishusho ya 2: Ikigereranyo cya RGS ya 6 n'ya 7	12
Ishusho ya 3: Ijanisha ry'inzego ziteganywa muri gahunda z'ibikorwa ibijyanye no kunoza serivisi	33
Ishusho ya 4: Imikoreshereze y'ingengo y'imari	75
Ishusho ya 5: Inzitizi zagaragajwe mu rwego rw'ubuhinzi	80
Ishusho ya 6: Inzitizi zagaragajwe muri serivisi z'ubutaka	82
Ishusho ya 7: Inkingi zagaragayemo ibibazo bikwiye kwitabwaho mu kunoza imikorere y'ingo mbonezamukurire y'abana bato	84

URUTONDE RW'AMAKARITA

Ikarita ya 1: Ishusho rusange y'uko uturere duhagaze muri CRC ya 2022	16
Ikarita ya 2: Uko abaturage bashima serivisi z'ubuhinzi hakurikijwe uturere	79
Ikarita ya 3: Uko abaturage bashima serivisi z'ubutaka n'imiturire hakurikijwe uturere	82

URUTONDE RW'IMBONERAHAMWE

Imbonerahamwe ya 1: Incamake y'ibyavuye mu Gipimo cy'Imiyorere mu Rwanda (RGS ya 9)	10
Imbonerahamwe ya 2: Uko ibyiciro bishimwa n'abaturage	14
Imbonerahamwe ya 3: Uko ibyiciro bihagaze ugereranyije CRC ya 2022 na CRC ya 2021	15
Imbonerahamwe ya 4: Uko abaturage babona imiyoborere n'imitangire ya serivisi hakurikijwe uturere	17
Imbonerahamwe ya 5: Incamake y'ibyavuye mu bushakashatsi kuri gahunda y'ingo mbonezamikurire y'abana bato	19
Imbonerahamwe ya 6: Incamake y'ibyavuye mu igenzura ku mitangire ya serivisi zo gutwara abantu mu buryo bwa rusange	35
Imbonerahamwe ya 7: Ibyagaragajwe n'igenzura mu Ntara y'Amajyepfo ku birebana n'aho gukorera haboneye	39
Imbonerahamwe ya 8: Ibyagaragajwe n'igenzura mu Ntara y'Amajyepfo ku birebana n'imitangire ya serivisi	39
Imbonerahamwe ya 9: Ibyagaragajwe n'igenzura mu Ntara y'Amajyepfo ku birebana n'imitangire y'umutungo	40
Imbonerahamwe ya 10: Ibyagaragajwe n'igenzura mu bigo nderabuzima mu Ntara y'Iburengerazuba ku birebana n'aho gukorera haboneye	40
Imbonerahamwe ya 11: Ibyagaragajwe n'igenzura mu Ntara y'Iburengerazuba ku birebana n'imitangire ya serivisi	41
Imbonerahamwe ya 12: Ibyagaragajwe n'igenzura mu Ntara y'Iburengerazuba ku birebana n'imitangire y'umutungo	41
Imbonerahamwe ya 13: Uruhare rw'ababyeyi muri gahunda ya School Feeding mu Ntara y'Iburengerazuba	42
Imbonerahamwe ya 14: Ibyagaragajwe n'igenzura mu Ntara y'Amajyaruguru ku birebana n'aho gukorera haboneye	43
Imbonerahamwe ya 15: Ibyagaragajwe n'isuzuma mu Ntara y'Amajyaruguru ku birebana n'imitangire ya serivisi	43
Imbonerahamwe ya 16: Ibyagaragajwe n'isuzuma mu Ntara y'Amajyaruguru ku birebana n'imitangire y'umutungo	43
Imbonerahamwe ya 17: Ibyagaragajwe n'igenzura mu Ntara y'Iburasirazuba ku birebana n'aho gukorera haboneye	44
Imbonerahamwe ya 18: Ibyagaragajwe n'igenzura mu Ntara y'Iburasirazuba ku birebana n'imitangire ya serivisi	44
Imbonerahamwe ya 19: Ibyagaragajwe n'igenzura mu Ntara y'Iburasirazuba ku birebana n'imitangire y'umutungo	45
Imbonerahamwe ya 20: Ibyagaragajwe n'igenzura mu Muji wa Kigali ku birebana n'aho gukorera haboneye	45
Imbonerahamwe ya 21: Ibyagaragajwe n'igenzura mu Muji wa Kigali ku birebana n'imitangire ya serivisi	46
Imbonerahamwe ya 22: Ibyagaragajwe n'isuzuma mu Muji wa Kigali ku birebana n'imitangire y'umutungo	46
Imbonerahamwe ya 23: Incamake yimitegereye y'inama z'ubuyobozi mu bigo bya Leta byagenzuwe	47
Imbonerahamwe ya 24: Imiryango itari iya Leta, ishingiye ku myemerere n'imitwe ya politiki byagenzuwe	53
Imbonerahamwe ya 25: Incamake y'ibyavuye mu igenzura ry'imiryango itari iya Leta n'ishingiye ku myemerere	54
Imbonerahamwe ya 26: Imari yakoreshejwe n'imiryango mvamahanga mu bikorwa bitandukanye	55
Imbonerahamwe ya 27: Bimwe mu bikorwa by'ingenzi byakozwe n'imwe mu miryango mvamahanga itari iya Leta	56
Imbonerahamwe ya 28: Gukemura amakimbarane mu miryango	57
Imbonerahamwe ya 29: Inkunga yahawe imiryango itari iya Leta	62
Imbonerahamwe ya 30: Abanyamakuru bahuguwe n'ibyo bahuguwemo	67
Imbonerahamwe ya 31: Inzego n'imiryango bashyigikiye itegurwa rya DJA	68
Imbonerahamwe ya 32: Ingengo y'imari yakoreshejwe	74
Imbonerahamwe ya 33: Amahugurwa yahawe abakozi ba RGB	76
Imbonerahamwe ya 34: Ibikwiye kwitabwaho byagaragajwe na RGS ya 9	86
Imbonerahamwe ya 35: Ingengo y'imari ya RGB muri 2022-2023	92



IBISOBANURO BY'AMAGAMBO MPINE

- ADEPR:** Itorero rya Pantekoti mu Rwanda
ARJ: Ishyirahamwe Nyarwanda ry'Abanyamakuru
CoK: Umujyi wa Kigali
CRC: Ishusho y'uko Abaturage Babona Imiyoborere n'imitangire ya Serivisi mu Nzego Zibegereye
CSO: Imiryango ya Sosiyete Sivile
DJA: Ibihembo Bihabwa Abanyamakuru n'Ibitangamakuru by'Indashyikirwa
ECD: Gahunda Mbenezamukurire y'Abana Bato
FBOs: Imiryango Ishingiyeye ku Myemerere
HEC: Inama Nkuru y'Igihugu y'Uburezi
HGS: Uburyo bwo Kwishakamo Ibisubizo
ICK: Kaminuza Gatolika ya Kabgayi
INGOs: Imiryango Mvamahanga Itari iya Leta
INMR: Ikigo cy'igihugu Gishinzwe Ingoro Ndangamurage mu Rwanda
JADF: Ihuriro ry'Abafatanyabikorwa mu Iterambere
LODA: Ikigo cy'igihugu Gishinzwe Iterambere ry'Inzego z'Ibanze
MIGEPROF: Minisiteri y' Uburinganire n'Iterambere ry'Umuryango
MIFOTRA : Minisiteri y'Abakozi ba Leta n'Umurimo
MINAGRI: Minisiteri y'Ubuhinzi n'Ubworozi
MINALOC: Minisiteri y'Ubutegetsi bw'Igihugu
MINECOFIN: Minisiteri y'Imari n'Igenamigambi
MINEDUC: Minisiteri y'Uburezi
MINICOM: Minisiteri y'Ubucuruzi n'Inganda
MINICT: Minisiteri y'Ikoranabuhanga mu Itumanaho no Guhanga Ibishya
MINIJUST: Minisiteri y'Ubutabera
MININFRA: Minisiteri y'Ibikorwaremezo
MoE : Minisiteri y'Ibidukikije
MoH: Minisiteri y'Ubuzima
NAEB: Ikigo cy'igihugu Gishinzwe Guteza Imbere Iyoherezwa mu Mahanga ry'Ibikomoka ku Buhinzi n'Ubworozi
NBAs: Inzego Zitagererwa Ingengo y'Imari ya Leta n'Itegeko
NCDAs: Ikigo cy'igihugu Gishinzwe Imikurire no Kurengera Umwana
NCHR: Komisiyo y'Igihugu y'Uburenganzira bwa Muntu

NCPD:	Inama y'Igihugu y'Abafite Ubumuga
NINGO:	Ihuri ry'Imiryango Mpuzamahanga itari iya Leta
NNGOs:	Imiryango Nyarwanda itari iya Leta
NPSC	Komisiyo y'Igihugu Ishinzwe Abakozi ba Leta
NST:	Guhunda ya Guverinoma Igamije Kwihutisha Iterambere
NURC:	Komisiyo y'Igihugu y'Ubumwe n'Ubwiye
PL/PR:	Gahunda yo Kwigirana no Kugenzurana
PSF:	Urugaga rw'Abikorera
RAB:	Ikigo cy'Igihugu Gishinzwe Guteza Imbere Ubuhanzi
RALGA:	Ishyirahamwe ry'Uturere n'Umujyi wa Kigali
RBA:	Urwego rw'Igihugu rw'Itangazamakuru
RC:	Ikigo cy'Igihugu Gishinzwe Kubyaza Umusaruro Uburyo bwo Kwishakamo Ibisubizo
RDB:	Urwego rw'Igihugu Rushinzwe Iterambere mu Rwanda
REB:	Ikigo cy'Igihugu Gishinzwe Uburezi
REG:	Ikigo cy'Igihugu Gishinzwe Ingufu n'Amashyamba
REMA:	Ikigo cy'Igihugu Gishinzwe Kubungabunga Ibidukikije
RGB:	Urwego rw'Igihugu rw'Imiyoborere
RGS:	Ubushakashatsi ku Gipimo cy'Imiyoborere mu Rwanda
RISA:	Ikigo cy'Igihugu Gishinzwe Ikoranabuhanga
RLMUA:	Ikigo cy'Igihugu Gishinzwe Imicungire n'Imikoreshereze y'Ubutaka
RMB:	Igipimo cy'Iterambere ry'Itangazamakuru
RMC:	Urwego rw'Abanyamakuru Bigenzura
RRA:	Ikigo cy'Igihugu Gishinzwe Imisoro n'Amahoro
RSB:	Ikigo cy'Igihugu Gitsura Ubuziranenge
RSSB:	Urwego rw'Ubwiteganyirize mu Rwanda
RURA:	Urwego rw'Igihugu Rushinzwe Kugenzura Imikorere y'Inzego zimwe z'Imirimo Ifitiye Igihugu Akamaro
SACCO:	Koperative yo Kubitsa no Kugurizanya
UNDP:	Ishami ry'Umuryango w'Abibumbye ryita ku Iterambere
UNESCO:	Ishami ry'Umuryango w'Abibumbye ryita ku Burezi, Ubumenyi n'Umuco
WASAC:	Ikigo cy'Igihugu Gishinzwe Gutunganya no Gukwirakwiza Amazi, Isuku n'Isukura

INCAMAKE



INCAMAKE

Iyi raporo iragaragaza mu buryo burambuye ibyagezweho mu mwaka w'ingengo y'imari wa 2021-2022 na gahunda y'ibikorwa biteganyijwe mu mwaka wa 2022-2023.

Ibyakozwe bikubiye mu byiciro bitandatu (6) bikurikira: (1) Ubushakashatsi ku miyoborere n'uburyo bwo kwishakamo ibisubizo, (2) Kugenzura imitangire ya serivisi, guteza imbere imiyoborere myiza n'ihuriro ry'abafatanyabikorwa mu iterambere, (3) Kwandika, gukurikirana no kongerera ubushobozi imitwe ya politiki, Imiryango ishingiyeye ku myemerere n'Imiryango itari iya Leta (4) Guteza imbere urwego rw' itangazamakuru, (5) Ibiganiro bishimangira ubufatanye n'imikorere inoze (6) n'imirimu rusange ishyigikira ibikorwa bw'Urwego.

Mu mwaka w'ingengo y'imari wa 2021-2022, RGB yari yateganyije ibikorwa 36 muri byo 34 bihwaye na 94.4% byarakozwe birarangira. Igikorwa kimwe kijyanye no gushyiraho inama ngishwanama ku miyoborere ntikirarangira kuko hateguwe imbanzirizamushinga y'lteka rya Perezida rishyiraho uru rwego ikaba ikiganirwaho n'abafatanyabikorwa mbere y'uko ishyikirizwa inzego bireba. Igikorwa kimwe kitakozwe ni ikijyanye no kwandikisha ku rwego mpuzamahanga gahunda imwe yo kwishakamo ibisubizo (Ndi Umunyarwanda) kuko kitabonewe ingengo y'imari.

Ku bijyanye n'ingengo y'imari, RGB yari yagenewe 3,180,305,157 Frw arimo 1,552,260,038 Frw yaturutsemungengoy'imariya Letana 1,628,045,119 Frw yatanze n'abafatanyabikorwa binyuze mu mishinga ishyigikira gahunda z'imiyoborere. Muri rusange ingengo y'imari yakoreshejwe ku kigero

cya 90.4%, aho ingengo y'imari itangwa na Leta yakoreshejwe ku kigero cya 97.6% naho iy'imishinga ikoreshejwe ku kigero cya 83.5%.

Mu rwego rw'ubushakashatsi, RGB yakozwe ku nshuro ya 9 Igipimo cy'Imiyoborere mu Rwanda (Rwanda Governance Scorecard 9th Edition). Muri RGS ya 9, inkingi eshanu ku munani ziri ku kigero cya 80% kuzamura; mu gihe eshatu zisigaye ziri ku kigero kiri hagati ya 60% na 79.9%. Inkingi y'umutekano ni yo yaje ku isonga n'amanota 95.53% mu gihe inkingi yo kuzamura imibereho myiza y'abaturage ari yo yaje inyuma n'amanota 75.81%.

RGB yanakoze ubushakashatsi ku Ishusho y'uko abaturage babona imiyoborere n'imitangire ya serivisi mu nzego zibegereye (CRC). Ubushakashatsi bwa CRC ya 2022 bwagaragaje ko abaturage bishimiye imiyoborere n'imitangire ya serivisi ku kigero cya 76.1%. Ibyiciro icyenda kuri 16 byasuzumwe biri hejuru ya 75%, aho umutekano waje ku isonga n'amanota 91.9% naho ubutaka n'imiturire byaje ku mwanya wa nyuma n'amanota 60.5%.

RGB yanakoze ubushakashatsi ku mikorere y'ingo mbonezamurire y'abana bato bwagaragaje ko inkingi y'ubuzima ari yo iza ku isonga ku ijanisha rya 82% naho inkingi yo kurinda no kurengera umwana iza ku mwanya wa nyuma ku ijanisha rya 43.6%. Ku birebana n'ibipimo, kwita ku mwana mbere na nyuma yo kuvuka ni cyo kiza ku isonga ku ijanisha rya 85.3% naho kwita ku bana bafite ubumuga n'abafite ibibazo byihariye ni cyo kiri hasi cyane kurusha ibindi kuko kiri kuri 15.8%.

RGB yasesenguye ibyavuye mu byegeranyo mpuzamahanga bitandukanye bigaragaza uko ibihugu bihagaze mu byiciro binyuranye hagamijwe kureba uko u Rwanda rugaragazwa n'ibyo byegeranyo mu ruhando mpuzamahanga aho muri uyu mwaka hasesenguwe ibyegeranyo bitandatu (6).

Mu mwaka wa 2021-2022, RGB yakoze igenzura ry'imitangire ya serivisi zo gutwara abantu mu buryo bwa rusange muri za bisi. Muri rusange, igenzura ryagaragaje ko iyi serivisi y'imodoka zitwara abantu mu buryo bwa rusange iri ku kigero cya 64.42% aho udupimo turenga 50% y'ibyapimwe dushimwa ku kigero kiri muni ya 60%. Ku bijyanye n'igihe abagenzi bamara bategereje imodoka mu Muji wa Kigali, byagaragaye ko abagenzi babishima ku kigero cyo hasi cya 31.67%.

RGB yakoze kandi igenzura ry'imitangire ya serivisi yo kwishyura ba rwiyezamazirimo mu nzego za Leta, iz'abikorera n'imiryango itari iya Leta. Iri genzura ryagaragaje ko izi serivisi zishimwa ku gipimo kiri hejuru ya 80% muri izi nzego zose. Ibijyanye no kubahiriza amabwiriza yo kwishyura ba rwiyezamazirimo biri ku kigero kiri hejuru ya 80%. Cyakora, ku birebana no kubahiriza igihe cyo kwishyura ba rwiyezamazirimo, igenzura ryagaragaje ko mu nzego z'abikorera biri ku kigero cyo hasi (61.54%) mu gihe mu nzego za Leta no mu miryango itari iya Leta ho biri ku kigero kiri hejuru ya 80%.

RGB yakomeje ubukangurambaga ku mitangire ya serivisi hifashishijwe gahunda ya "Nk'uwikorera". Ubu bukangurambaga bwibanze ku kuzamura ubumenyi bw'abatanga kuri serivisi n'abayihabwa basobanurirwa uruhare n'akamaro imitangire ya serivisi inoze ifite mu iterambere ry'Igihugu.

Ku bijyanye n'inshingano yo gukurikirana ibikorwa bya gahunda yo kwigenzura no kwigiranaho, RGB yashyikirijwe gahunda na raporo z'Intara n'Umujyi wa Kigali irazisesengura, inatanga inama kubikeneye kunozwa.

Hagamijwe kuzamura uruhare rwa JADF mu iterambere ry'Igihugu, ku bufatanye n'ubuyobozi bw'Intara, Umujyi wa Kigali, uturere n'abagize Ihuriro ry'Abafatanyabikorwa mu Iterambere, RGB yateguye inama ziteganywa n'amabwiriza ya Minisitiri w'Intebe agenga imikorere ya JADF. Hakozwe inama nyunguranabitekerezo imwe muri buri Ntara n'Umujyi wa Kigali ndetse n'inama enye mpuzabikorwa z'igihembwe nk'uko byari biteganyijwe.

Mu mwaka wa 2021-2022, RGB yanditse imiryango nyarwanda itari iya Leta mishya 142, n'imiryango ishingiyeye ku myemerere 37. Imiryango mvamahanga itari iya Leta mishya 11 yahawe ibyangombwa biyemerera gukorera mu Rwanda, 184 yongererwa igihe cyo gukorera mu Rwanda. Raporo zatanzwe n'Imiryango mvamahanga itari iya Leta zagaragaje ko yakoresheje ingengo y'imari ingana n'amadorali y'Amerika 231,576,257 mu mishinga itandukanye.

Ku bufatanye na UNDP, RGB yatanze inkunga ya 850,689,224 Frw ku miryango itari iya Leta n'ishingiyeye ku myemerere 26, mu rwego rwo kuyubakira ubushobozi no gushyira mu bikorwa imishinga itandukanye iteza imbere abaturage.

Mu mwaka wa 2021-2022, RGB yakoze ubugenzuzi mu miryango itari iya Leta n'ishingiyeye ku myemerere, bwibanze ku miyoborere n'iyubahirizwa ry'amategeko; gukorera mu mucyo no kubazwa inshingano; ishyirwamubikorwa rya gahunda z'imiryango; icungamutungo n'imicungire y'abakozi n'ubufatanye n'izindi nzego. Igenzura ryagaragaje ko imiryango ishingiyeye ku myemerere ari yo ifite intege nke mu mikorere yayo mu nkingi zose zagenzuwe.

Mu rwego rw'Itangazamakuru, RGB yateye inkunga ingana na 433,695,552 Frw imishinga n'ibikorwa by'ibitangazamakuru 21 n'amashyirahamwe y'abanyamakuru abiri ariyo; Ishyirahamwe ry'Abanyamakuru mu Rwanda (ARJ) n'Urwego rw'Abanyamakuru bigenzura (RMC) hagamijwe kubongerera ubushobozi bwo gusohozza inshingano zabo. Hanatanzwe kandi ibihembo 31 bifite

agaciro ka 25,000,000 Frw ku bitangazamakuru n'abanyamakuru babaye indashyikirwa, mu rwego rwo guteza imbere ubunyamwuga mu itangazamakuru.

RGB kandi yagiranye inama n'ibiganiro n'inzezo ndetse n'abafatanyabikorwa batandukanye hagamijwe kugaragaza ibyavuye mu bushakashatsi n'igenzura ku miyoborere n'imitangire ya serivisi. Muri ibi biganiro, RGB yatanze inama ku bibazo byagaragajwe birebana n'imiyoborere n'imitangire ya serivisi. Muri iyi raporo, RGB iragaragaza ku buryo bw'umwihariko ibibazo bikeneye kwitabwaho byagaragajwe n'ubushakashatsi ndetse n'ubugenzuzi yakoze ku miyoborere n'imitangire ya serivisi.

Mu bikorwa bijyanye n'ubuyobozi n'imirimu rusange, hibanzwe ku ishyirwamubikorwa rya gahunda y'ibikorwa by'umwaka, imicungire y'ingengo

y'imari n'abakozi n'ibindi bikorwa byo kongerera ubushobozi Urwego n'abakozi barwo, kwimakaza ihame ry'uburinganire muri gahunda n'ibikorwa byose by'Urwego no mu bafatanyabikorwa.

Mu mwaka wa 2021-2022, RGB yakorewe ubugenzuzi n'Umugenzuzi Mukuru w'Imari ya Leta ku mikoreshereze y'ingengo y'imari yo mu mwaka wa 2020-2021, nyuma y'ubu bugenzuzi RGB yabonye raporo ntamakemwa (unqualified audit opinion).

Mu mwaka w'ingengo y'imari wa 2022-2023, RGB yateganyije ibikorwa 37 bizatwara ingengo y'imari ya 2,834,249,279 Frw, arimo 1,914,944,508 Frw azava mu ngengo y'imari ya Leta na 919,304,771 Frw azava mu bafatanyabikorwa.



INSHINGANO N'UBUBASHA

Urwego rw'Igihugu rw'Imiyoborere rwashyizweho n'itegeko N°56/2016 ryo ku wa 16/12/2016 rukaba rufite inshingano zikurikira:

1. Kugenzura mu buryo buhoraho imitangire ya serivisi n'iyubahirizwa ry'amahame y'imiyoborere myiza mu nzego za Leta, iz'abikorera n'imiryango itari iya Leta ;
2. Gukora ubushakashatsi ku miyoborere mu Rwanda, kugaragaza uko abaturage babona ibibakorerwa no kubimenyekanisha;
3. Gusigasira, kurinda no guteza imbere uburyo bwo kwishakamo ibisubizo mu Rwanda no gushyiraho uburyo bwabyazwa umusaruro;
4. Gutanga uburenganzira bw'ibanze no gukurikirana inyigo n'ubushakashatsi bikorerwa mu Rwanda ku miyoborere n'uburyo bwo kwishakamo ibisubizo byaba bikorwa n'umunyarwanda cyangwa umunyamahanga;
5. Kugira Leta inama ku ishyirwamubikorwa rya politiki yo kwegereza ubushobozi n'ubuyobozi abaturage no gutanga inama ku bikorwa byo kongerera ubushobozi inzego z'ibanze;
6. Guteza imbere amahame y'imiyoborere myiza, demokarasi, imikorere n'imitangire ya serivisi zinoze no kubigiramo inama Guverinoma n'izindi nzego bireba;
7. Kugira inama Leta ku birebana na politiki n'ingamba bifitanye isano no kwimakaza imikorere n'imiyoborere myiza biteza imbere Igihugu;
8. Gutanga ibitekerezo ibisabwe cyangwa ibyibwirije mu nzego z'ubuyobozi ku mategeko akurikizwa mu Gihugu no ku mishinga y'amategeko kugira ngo byubahirize amahame shingiro ajyanye n'imiyoborere;
9. Gushyiraho ingamba zo gukangurira abaturage kugira uruhare mu bibakorerwa no kubigaragarizwa;
10. Kwandika, gutanga ubuzimagatozi ku miryango nyarwanda itari iya Leta n'imiryango ishingiyeye ku myemerere no gukurikirana ko imikorere yayo ikurikiza amategeko;
11. Kwandika imiryango mvamahanga itari iya Leta no gukurikirana imikorere yayo;
12. Kwandika imitwe ya politiki no gukurikirana imikorere yayo;
13. Guteza imbere itangazamakuru no gutanga inama ku mikorere yayo;
14. Guhuza no gukurikirana ibikorwa by'ihuriro ry'Abafatanyabikorwa mu Iterambere;
15. Gukorana n'abantu, ibigo n'amashyirahamwe byo mu gihugu ndetse n'ibyo mu mahanga bikora imirimo imwe;
16. Gushyikiriza buri mwaka Perezida wa Repubulika n'Inteko Ishinga Amategeko imitwe Yombi gahunda na raporo z'ibikorwa byayo no guha kopi izindi nzego za Leta zivugwa muri iri tegeko;
17. Gushyiraho imirongo ngenderwaho mu iyandikwa ry'imiryango itari iya Leta n'imiryango ishingiyeye ku myemerere.

Urwego rw'Igihugu rw'Imiyoborere kandi rufite ububasha bukurikira:

- ▶ Gusaba ibisobanuro ku byerekeye imiyoborere, imikorere n'imitangire ya serivisi mu nzego za Leta, imiryango itari iya Leta, imiryango ishingiyeye ku myemerere n'iz'abikorera no gusabira ibihano byo mu rwego rw'ubutegetsi inzego cyangwa abakozi bagaragaweho imikorere mibi;
- ▶ Gusaba ibisobanuro, guhagarika by'agateganyo icyemezo cy'iyandikwa cyangwa kwambura ubuzimagatozi imiryango itari iya Leta cyangwa imiryango ishingiyeye ku myemerere;
- ▶ Guhagarika by'agateganyo cyangwa burundu uburenganzira bwo gukorera mu Rwanda ku miryango mvamahanga itari iya Leta;
- ▶ Gufatira ibyemezo Umutwe wa politiki utubahirije ibiteganywa n'amategeko;
- ▶ Kwemeza ko uburyo bukoreshwa mu Rwanda ari umwimerere nyarwanda wo kwishakamo ibisubizo no gukurikirana ubukoresha nabi cyangwa ubukoresha atabifitiye uburenganzira.



IGICE CYA MBERE
IBYAKOZWE MU MWAKA
WA 2021–2022

1.1.

UBUSHAKASHATSI KU MIYOBORERE NO GUTEZA IMBERE UBURYO BWO KWISHAKAMO IBISUBIZO MU RWANDA

Mu bijyanye n'ubushakashatsi n'uburyo bwo kwishakamo ibisubizo mu Rwanda, mu mwaka wa 2021-2022 hari hateganyijwe gukora no kumenyekanisha ubushakashatsi ku gipimo cy'imiyoborere mu Rwanda ku ishusho y'uko abaturage babona imiyoborere n'imitangire ya serivisi mu nzego zibegereye no kuri gahunda mbonezamukurire y'abana (Early Childhood Development-ECD). Hari hanateganyijwe gusesengura ibyegeranyo mpuzamahanga bivugaga ku Rwanda, kwandikisha uburyo bwo kwishakamo ibisubizo mu Rwanda no gutanga uburenganzira bw'ibanze ku bushakashatsi bukorwa ku miyoborere no ku buryo bwo kwishakamo ibisubizo. Raporo z'ubushakashatsi bwakozwe ziri ku mugereka w'iyi raporo.


1.1.1. INCAMAKE Y'IBYAVUYE MU BUSHAKASHATSI KU GIPIMO CY'IMIYOBORERE MU RWANDA (RGS YA 9)

Igipimo cy'imiyoborere ni ubushakashatsi bukorwa hagamijwe kugaragaza ishusho y'imiyoborere mu Rwanda no gutanga amakuru afasha mu igenwa n'ishyirwamubikorwa rya politike zitandukanye zirebana n'imiyoborere n'iterambere by'Igihugu.


RGS YA 9 IGIZWE N'INKINGI 8, IBIPIMO 35 N'UDUPIMO 144 NK'UKO BIGARAGAZWA N'ISHUSHO IKURIKIRA:

Ishusho ya 1: Umubare w'inkingi, ibipimo n'udupimo bya RGS ya 9





Muri RGS ya 9, inkingi eshanu ku munani ziri ku kigero cya 80% kuzamura mu gihe eshatu zisigaye ziri ku kigero kiri hagati ya 60% na 79,9%. Inkingi y'umutekano ni yo yaje ku isonga n'amanota 95,53% mu gihe inkingi yo kuzamura imibereho myiza y'abaturage ari yo yaje inyuma n'amanota 75,81%.




Ibipimo 23 muri 35 bigize inkingi za RGS ya 9 biri ku kigero cya 80% kuzamura, naho ibipimo 12 biri hagati ya 60% na 79,9%. Ku birebana n'udupimo, 91 ku 144 turi ku kigero cya 80% kuzamura, udupimo 43 turi hagati ya 60% na 79,9%, udupimo 9 turi hagati ya 40 na 59,9%, mu gihe agapimo 1 ari ko kari munsi ya 40%.


IMBONERAHAMWE YA 1: INCAMAKE Y'IBYAVUYE MU GIPIMO



CY'IMIYOBORERE MU RWANDA (RGS YA 9)



Ishusho ya 2: Ikigereranyo cya RGS ya 8 n'ya 9



Aho byavuye: RGS 9th Edition

Ugereranyije n'iyi mu mwaka wayibanjirije, RGS ya 9 igaragaza ko inkingi zirindwi ku munani zazamutse aho iy'uburenganzira mu bya politiki n'ubwisanzure bw'abaturage ari yo yazamutse kurusha izindi ku kigero cya 4.04%. Ibyo byatewe n'uko u Rwanda rwubahirije inshingano zarwo mu bijyanye no gutanga raporo ku ishirwamubikorwa ry'amasezerano mpuzamahanga rwashyizeho umukono.

RGS ya 9 isoreza ku byifuzonama bishingiye ku byavuye mu bushakashatsi ikanerekana uko ibyifuzonama by'izayibanjirije byashyizwe mu bikorwa n'inzego bireba.



1.1.2. INCAMAKE Y'UBUSHAKASHATSI KU ISHUSHO Y'UKO ABATURAGE BABONA IMIYOBORERE N'IMITANGIRE YA SERIVISI MU NZEGO ZIBEGEREYE (CRC)

Ubushakashatsi bwa CRC bukorwa buri mwaka hagamijwe kugaragaza uko abaturage bishimiye imiyoborere n'imitangire ya serivisi mu nzego zibegereye ndetse n'uruhare bagira mu bibakorerwa. Intego nyamukuru y'ubu bushakashatsi ni ugufasha inzego zegereye abaturage kunoza imitangire ya serivisi no kurushaho kurangwa n'imiyoborere ishira umuturage ku isonga.

Ubushakashatsi bwa CRC ya 2022 bwubakiye ku byiciro 16 bikubiye mu nkingi eshatu za gahunda ya Guverinoma y'imyaka irindwi (NST1) arizo Ubukungu, Imibereho myiza n'Imiyoborere. Mu bukungu hasuzumwe ubuhinzi, ubworozi, ibikorwaremezo, ikoranabuhanga n'itumanaho, ubutaka n'imiturire ndetse n'urwego rw'abikorera. Mu mibereho myiza

hasuzumwe uburezi, ubuzima, isuku, gahunda zo kuzamura imibereho no kwita ku batishoboye ndetse n'imibereho y'umuryango nyarwanda. Mu nkingi y'Imiyoborere hasuzumwe serivisi zitangwa n'inzego z'ibanze, ubutabera, iyubahirizwa ry'amahame y'imiyoborere n'icyizere ku nzego z'ubuyobozi, umutekano ndetse n'uruhare rw'abaturage mu bibakorerwa.

Ubushakashatsi bwa CRC ya 2022 bwagaragaje ko abaturage bishimiye imitangire ya serivisi ku kigero cya 76.1%. Ibyiciro icyenda kuri 16 byasuzumwe biri hejuru ya 75%, aho umutekano waje ku isonga n'amanota 91.9% naho ubutaka n'imiturire byaje ku mwanya wa nyuma n'amanota 60.5%.

Imbonerahamwe ya 2: Uko ibyiciro bishimwa n'abaturage

ICYICIRO	CRC 2022
Umutekano	91.9%
Uruhare rw'abaturage mu bibakorerwa	88.7%
Iyubahirizwa ry'amahame y'imiyoborere n'icyizere ku nzego z'ubuyobozi	87.8%
Ubutabera	81.1%
Ubuzima	79.1%
Inzego z'ibanze	78.8%
Ubworozi	77.7%
Imibereho y'umuryango nyarwanda	77.0%
Isuku	76.3%
Urwego rw'abikorera	74.9%
Ikoranabuhanga n'itumanaho	74.1%
Uburezi	72.2%
Gahunda zo kuzamura imibereho no kwita ku batishoboye	71.8%
Ibikorwaremezo	65.1%
Ubuhinzi	61.1%
Ubutaka n'imiturire	60.5%
IMPUZANDENGO	76.1%

Aho byavuye: CRC ya 2022




Imbonerahamwe ya 3: Uko ibyiciro bihagaze ugereranyije CRC ya 2022 na CRC ya 2021

N°	ICYICIRO	CRC 2022	CRC 2021	IMPINDUKA (%)	
1	Inzego z'ibanze	78.8%	70.9%	▲	7.9%
2	Urwego rw'abikorera	74.9%	67.5%	▲	7.4%
3	Ikoranabuhanga n'itumanaho	74.1%	68.3%	▲	5.8%
4	Ubuzima	79.1%	73.7%	▲	5.4%
5	Uburezi	72.2%	68.8%	▲	3.4%
6	Ubworozi	77.7%	75.0%	▲	2.7%
7	Imibereho y'umuryango nyarwanda	77.0%	74.7%	▲	2.3%
8	Ubuhinzi	61.1%	59.5%	▲	1.6%
9	Ubutabera	81.1%	79.6%	▲	1.5%
10	Uruhare rw'abaturage mu bibakorerwa	88.7%	87.6%	▲	1.1%
11	Umutekano	91.9%	91.6%	▲	0.3%
12	Iyubahirizwa ry'amahame y'imiyoborere n'icyizere ku nzego z'ubuyobozi	87.8%	87.6%	▲	0.2%
13	Ibikorwaremezo	65.1%	65.9%	▼	-0.8%
14	Gahunda zo kuzamura imibereho no kwita ku batishoboye	71.8%	72.8%	▼	-1.0%
15	Ubutaka n'imiturire	60.5%	61.7%	▼	-1.2%
16	Isuku	76.3%	81.0%	▼	-4.7%
IGITERANYO		76.1%	74.1%	▲	2.0%

Aho byavuye: CRC ya 2022

UKO UTURERE DUHAGAZE MURI CRC YA 2022

Ikarita ya 1: Ishusho rusange y'uko uturere duhagaze muri CRC ya 2022



Aho byavuye: CRC ya 2022

Muri rusange, mu turere 20 abaturage bashima imiyoborere n'imitangire ya serivisi mu nzego zibegereye ndetse n'uruhare rwabo mu bibakorerwa ku kigero kiri hejuru ya 75%. Akarere ka Rusizi ni ko kaje ku isonga ku gipimo cya 81.5% mu gihe mu Karere ka Nyamagabe ari ho abaturage bashima ku kigero cyo hasi cya 68.1%.

 Imbonerahamwe ya 4: Uko abaturage babona imiyoborere n'imitangire ya serivisi hakurikijwe Uturere

N°	AKARERE	CRC 2022	CRC 2021	IMPINDUKA (%)	
1	Rusizi	81.50%	76.90%	▲	4.60%
2	Gakenke	80.50%	75.20%	▲	5.30%
3	Gatsibo	79.90%	73.70%	▲	6.20%
4	Nyabihu	79.20%	73.00%	▲	6.20%
5	Gisagara	78.80%	77.40%	▲	1.40%
6	Nyarugenge	78.60%	68.10%	▲	10.50%
7	Kirehe	77.80%	74.90%	▲	2.90%
8	Nyaruguru	77.80%	76.80%	▲	1.00%
9	Rwamagana	77.70%	78.00%	▼	-0.30%
10	Ngororero	77.00%	72.40%	▲	4.60%
11	Kamonyi	76.90%	67.60%	▲	9.30%
12	Muhanga	76.80%	71.70%	▲	5.10%
13	Nyamasheke	76.80%	76.60%	▲	0.20%
14	Nyanza	76.70%	76.10%	▲	0.60%
15	Ruhango	76.40%	68.10%	▲	8.30%
16	Kayanza	76.30%	73.70%	▲	2.60%
17	Kicukiro	76.00%	73.70%	▲	2.30%
18	Ngoma	75.70%	76.40%	▲	-0.70%
19	Gicumbi	75.60%	70.00%	▲	5.60%
20	Karongi	75.40%	73.40%	▲	2.00%
21	Gasabo	74.80%	74.80%	=	0.00%
22	Rulindo	74.80%	77.50%	▼	-2.70%
23	Musanze	74.60%	74.10%	▲	0.50%
24	Rubavu	74.40%	74.00%	▲	0.40%
25	Huye	73.70%	77.20%	▼	-3.50%
26	Bugesera	73.60%	70.80%	▲	2.80%
27	Rutsiro	72.10%	72.10%	=	0.00%
28	Burera	71.70%	73.60%	▼	-1.90%
29	Nyagatare	70.60%	73.60%	▼	-3.00%
30	Nyamagabe	68.10%	76.80%	▼	-8.70%
IGITERANYO		76.10%	74.10%	▲	2.00%

Aho byavuye: CRC ya 2022

ISSN:979-10-92401-09-7

ECD

SCORECARD

2nd EDITION

1.1.3. UBUSHAKASHATSI KURI


GAHUNDA MBONEZAMIKURIRE Y'ABANA BATO

Ku bufatanye n'Ikigo cy'Igihugu gishinzwe Imikurire no Kurengera Umwana (NCDA), RGB yakoze ubushakashatsi kuri gahunda mbonezamikurire y'abana bato (ECD program). Ubu bushakashatsi bwakozwe hagamiywe gupima imikorere n'imitangire ya serivisi mu ngo mbonezamikurire y'abana bato no kugaragaza intambwe imaze guterwa mu ishikiranubikorwa rya serivisi zitangwa mu ngo mbonezamikuririre nk'uko bikubiye muri gahunda ya Guverinoma y'imyaka irindwi (NST1).

Ubu bushakashatsi bwakorewe mu turere twose tw'igihugu mu gihe ubwabubanjirije bwakorewe

mu turere 13 dukoreramo umushinga wo kurwanya igwingira (Stunting, Prevention and Reduction Project-SPRP) twagaragayemo imirire mibi n'igwingira ry'abana bato kurusha utundi.

Ubu bushakashatsi bwibanze ku nkingi esheshatu (6) ari zo: Imirire, Ubuzima, Isuku n'isukura, Uburere buboneye, Gutegura umwana kwiga hakiri kare ndetse no Kurinda no kurengera umwana. Ishusho rusange y'ibyavuye mu bushakashatsi igaragara mu mbonerahamwe ikurikira:



Ubushakashatsi bugaragaraza ko inkingi y'ubuzima ari yo iza ku isonga ku kigero cya 82% naho inkingi yo kurinda no kurengera umwana iza ku mwanya wa nyuma ku kigero cya 43.6%. Ku birebana n'ibipimo, kwita ku mwana mbere na nyuma yo kuvuka ni cyo kiza ku isonga ku kigero cya 85.3% naho kwita ku bana bafite ubumuga n'abafite ibibazo byihariye ni cyo kiri hasi ku kigero cya 15.8%.

Raporo y'ubushakashatsi kuri gahunda mbonezamikurire y'abana bato isoreza ku byifuzonama bishingiye ku byavuye mu bushakashatsi n'inzego bireba.



— 1.1.4. GUSESENGURA IBYEGERANYO MPUZAMAHANGA BIVUGA KU RWANDA

Mu mwaka wa 2021-2022, RGB yasesenguye ibyavuye mu byegeranyo mpuzamahanga bitandukanye bigaragaza uko ibihugu bihagaze, hagamijwe kureba uko u Rwanda rugaragazwa n'ibyo byegeranyo mu ruhande mpuzamahanga. Ibyegeranyo byakorewe

isesengura ni ibi bikurikira: Global Gender Gap, Global Peace Index, Corruption Perception Index, Africa Visa Openness Index, Rule of Law Index and Chandler Good Government Index.

1.1.4.1. GLOBAL GENDER GAP REPORT



Aho byavuye: Global Gender Gap Report

Icyegeranyo Global Gender Gap Report gikorwa buri mwaka na World Economic Forum (WEF), kigamije kwerekana uko ibihugu bihagaze ku birebana n'uburinganire n'ubwuzuzanye hagati y'abagabo n'abagore.


1.4.1.2. GLOBAL PEACE INDEX



Aho byavuye: Global Peace Index

Icyegeranyo Global Peace Index, gikorwa na Institute for Economics & Peace (IEP), gipima uburyo amahoro n'umudendezo bihagaze mu bihugu 163 ku isi, aho amanota meza ari rimwe (1) amabi akaba atanu (5). Bityo, uko igihugu kibona amanota macye ni ko gifatwa nk'ikirangwamo amahoro n'umudendezo kurusha ibindi.

1.4.1.3. CORRUPTION PERCEPTION INDEX



Icyegeranyo Corruption Perception Index, gikorwa n'umuryango Transparency International, kigaragaza uko abaturage babona ikibazo cya ruswa mu nzego za Leta mu bihugu 180 ku isi.

Aho byavuye: Corruption Perception Index


1.4.1.4. AFRICA VISA OPENNESS REPORT



Aho byavuye: Africa Visa Openness Index

Icyegeranyo Africa Visa Openness Index, gikorwa na Banki Nyafurika y'Iterambere, kigaragaza uko ibihugu by' Afurika byorohereza abaturage b'ibindi bihugu by' Afurika kubyinjiramo.

1.4.1.5. RULE OF LAW INDEX



Aho byavuye: Rule of Law Index

Icyegeranyo Rule of Law Index, gikorwa na World Justice Project, gipima iyubahirizwa ry'amategeko mu bihugu bitandukanye. Mu bipimo bisuzumwa harimo uko Leta ikoresha ububasha bwayo, kurwanya ruswa, gukorera mu mucyo, uburenganzira bw'ibanze bwa muntu, umutekano n'ituzwe, ubutabera mbonezamubano n'ubutabera mpanabyaha.

1.4.1.6. CHANDLER GOOD GOVERNMENT INDEX



Source: Chandler Institute of Governance

Icyegeranyo Chandler Good Governance Index gikorwa na Chandler Institute of Governance mu bihugu 104 ku isi. Iki cyegeranyo cyibanda ku bipimo birimo ubuyobozi bufite icyerekezo, amategeko na politiki bihamye, inzego zihamye, imicungire myiza y'umutungo, korohereza ishoramari, kugira ijambo n'umubano mwiza mu ruhando mpuzamahanga no guteza imbere abaturage.



Online pre- authorisation system

Sign in to start your session

[You do not have an account? Please click here to register!](#)

[Reset password?](#)



1.1.5. GUTANGA UBURENGANZIRA BW'IBANZE NO GUKURIKIRANA UBUSHAKASHATSI BUKORWA KU MIYOBORERE NO KU BURYO BWO KWISHAKAMO IBISUBIZO MU RWANDA

RGB yakiriye ubusabe bw'abantu batanu bifuzaga gukora ubushakashatsi ku miyoborere n'uburyo bwo kwishakamo ibisubizo. Nyuma yo gukora isuzuma, hemewe ubusabe bune buhabwa impushya; bumwe ntibwaruhabwa kuko butari bwujuje ibisabwa.

1.2.

KWANDIKISHA MU RWANDA UBURYO BWO KWISHAKAMO IBISUBIZO

RGB yakoze ibikorwa bitandukanye bigamije gusigasira, kurinda no guteza imbere uburyo bwo kwishakamo ibisubizo mu Rwanda. Muri uyu mwaka, RGB yashyikirije urwego rubishinzwe (RDB) ubusabe bwo kwandika ku rwego rw'igihugu gahunda y'Itorero n'iy'Abajyanama b'ubuzima. Izo gahunda ziyongera ku zindi icyenda zanditswe mbere ari zo: [Ndi Umunyarwanda](#), [Gacaca](#), [Abunzi](#), [Imihigo](#), [Umushyikirano](#), [Umuganda](#), [Ubudehe](#), [Umwiherero na Girinka](#).



1.3.

KUMENYEKANISHA IBYAVUYE MU
BUSHAKASHATSI KU MIYOBORERE

Umuyobozi w'ishami ry'ubushakashatsi muri RGB amurika ibyavuye muri CRC ya 2021

1.3.1.

IMENYEKANISHA
RY'IBYAVUYE MURI
CRC YA 2021

RGB yakoze imenyekanisha rya CRC ya 2021 mu ntara zose, Umujyi wa Kigali, mu turere 11 no mu nzego zihariye, hagamijwe kuganira ku byavuye muri ubu bushakashatsi no ku ngamba z'ibyagaragaye bikeneye kunozwa. Ibi biganiryo byitabiriwe n'abayobozi b'intara n'ab'Umujyi wa Kigali, ab'inzego z'ibanze kuva ku mudugudu kugeza ku karere, abahagarariye inzego za Leta ku rwego rw'Igihugu, ab'inzego z'umutekano n'abagize Inama Njyanama z'uturere. Ibi biganiryo byanitabiriwe n'inzego z'abikorera, imiryango itari iya Leta n'ishingiye ku myemerere ndetse n'itangazamakuru.



Rwanda

GOVERNANCE SCORECARD
THE STATE OF GOVERNANCE IN RWANDA

RGS

1.3.2.

GUTANGAZA IGIPIMO CY'IMIYOBORERE MU RWANDA (RWANDA GOVERNANCE SCORECARD)

RGB yatangaje ku mugaragaro ibyavuye mu bushakashatsi ku gipimo cy'imiyoborere mu Rwanda ku nshuro ya 8 (RGS 8th Edition). Iki gikorwa cyitabiriwe n'abayobozi mu nzego za Leta zitandukanye, abahagarariye ibihugu byabo n'imiryango mpuzamahanga mu Rwanda, abashakashatsi n'impuguke mu miyoborere n'iterambere. Abitabiriye ibi biganiri bagaragarijwe uko ibipimo by'imiyoborere mu Rwanda bihagaze banungurana ibitekerezo ku ngamba zikwiye gufatwa kugira ngo ibipimo bikiri hasi bishobore kuzamuka.



Bamwe mu bitabiriye umuhango wo gutangaza ibyagaragajwe na RGS ya 8

1.4.

IMITANGIRE YA SERIVISI, KWIMAKAZA IMIYOBORERE MYIZA N'IHURIRO RY'ABAFATANYABIKORWA MU ITERAMBERE (JADF)

Ku bijyanye n'imitangire ya serivisi, hari hateganyijwe kumenyekanisha ibipimo by'imitangire ya serivisi, gutegura amahugurwa ku mitangire ya serivisi, kugenzura imitangire ya serivisi mu nzego za Leta, iz'abikorera n'iz'imiryango itari iya Leta, gukurikirana ishyirwamubikorwa ry'imyanzuro yavuye mu bugenzuzi ku mitangire ya serivisi no gukora ubukangurambaga ku mitangire ya serivisi binyuze muri gahunda ya "Nk'uwikorera".

Ku bijyanye n'imiyoborere hari hateganyijwe ubukangurambaga ku miyoborere, imitangire ya serivisi no kuzamura uruhare rw'abaturage binyuze muri gahunda "Imiyoborere Twifuza " mu turere dutanu; ibiganiro n'urubyiruko rwiga mu mashuri yisumbuye, kaminuza n'amashuri makuru, gukurikirana ibikorwa bya gahunda yo kwigenzura no kwigiranaho (PR&PL); igenzura ku miyoborere y'inzego za Leta n'iz'Abikorera no guhuza ibikorwa by'ihuriro ry'Abafatanyabikorwa mu Iterambere (JADF).

1.4.1. KUMENYEKANISHA IBIPIMO FATIZO BY'IMITANGIRE YA SERIVISI (QUALITY SERVICE DELIVERY STANDARDS)

Ku bufatanye bwa RGB n'izindi nzego zirimo MIFOTRA, MINALOC, RDB, RSB na NPSC, hashyizweho ibipimo fatizo byifashishwa mu kunoza imitangire ya serivisi mu nzego za Leta, iz'abikorera n'imiryango itari iya Leta. Ibyo bipimofatizo bifasha buri rwego rutanga serivisi, gukora ibipimo byihariye bijyanye na serivisi rutanga ndetse no guhora rwigenzura.

Mu mwaka wa 2021-2022, ibyo bipimo fatizo byamenyekanishijwe mu nzego za Leta, iz'abikorera ndetse n'imiryango itari iya Leta. Hakozwe kandi inama zitandukanye n'abayobozi b'ibigo bya Leta mu rwego rwo kuganira ku bipimo fatizo (standards), ku buryo bwo kubishyira mu bikorwa n'uburyo byashyirwa muri gahunda z'ibikorwa z'inzego bahagarariye.

Mu rwego rwo gufasha inzego gushyira mu bikorwa ibi bipimo fatizo, RGB ku bufatanye n'inzego zavuzwe haruguru, yakoze inamenyekanisha mu nzego za Leta inyandiko yifashishwa mu kubishyira mu bikorwa.

1.4.2. GUTEGURA AMAHUGURWA KU MITANGIRE YA SERIVISI MU NZEGO ZA LETA, IZ'ABIKORERA N'IZ'IMIRYANGO ITARI IYA LETA

RGB yahuguye abantu b'ingeri zitandukanye, mu rwego rwo kubongerera ubumenyi ku mahame y'imitangire ya serivisi no kubakungurira kuyashyira mu bikorwa, kugira ngo serivisi zirusheho kunoga no kunyura abo zigenewe. Aya mahugurwa yahawe abantu bari mu byiciro bikurikira:

ABAHawe AMAHUGURWA

ABAYOBOZI N'ABAKOZI MU NZEGO ZITANDUKANYE

Abayobozi bo mu bigo bya Leta 70 n'abakozi 72 bo muri ibi bigo bafite mu nshingano gukurikirana ishyirwamubikorwa ry'ibipimo fatizo by'imitangire ya serivisi. Ibi byakozwe ku bufatanye na MIFOTRA;

JADF

Abahagarariye ihuriro ry'abafatanyabikorwa bibumbiye muri JADF mu ntara zose;

Abakozi bashinzwe guhuza ibikorwa bya JADF mu turere twose;

KAMINUZA YA UTB

Abayobozi, abakozi n'abanyeshuri 150 barangije kwiga muri kaminuza ya UTB biteguraga gutangira imirimo;

URUNANA DEVELOPMENT COMMUNICATIONS

Abayobozi n'abakozi 15 b'Urunana Development Communications kugira ngo barusheho gusobanukirwa amahame y'imitangire ya serivisi, banabashe gutanga ubutumwa ku kunoza serivisi binyuze mu ikinamico Urunana;

AKARERE KA KARONGI

Abagize Inama Njyanama n'abakozi b'Akarere ka Karongi

1.4.3. IGENZURA RY'IMITANGIRE YA SERIVISI YO KWISHYURA BA RWIYEMEZAMIRIMO MU NZEGO ZA LETA, IZ'ABIKORERA N'IMIRYANGO ITARI IYA LETA



RGB yakoze igenzura ry'imitangire ya serivisi yo kwishyura ba rwiyemezamirimo mu nzego za Leta 20, iz'abikorera 9 n'iz'imiryango itari iya Leta 15. Iri genzura ryakozwe hifashishijwe ibipimo bikurikira: kwihutisha serivisi, ubushobozi no kwizerwa by'utanga serivisi, ibikoresho n'ibikorwaremezo, kwita ku bakugana no kubahiriza amabwiriza y'imitangire ya serivisi. Muri iri genzura, habajijwe ba rwiyemezamirimo 353 basabye serivisi mu nzego zagenzuwe, kugira ngo harebwe uko bishimiye serivisi.

Igenzura ryagaragaje ko serivisi zo kwishyura ba rwiyemezamirimo zishimwa ku kigero kiri hejuru ya 80% mu nzego zose, aho mu nzego za Leta zishimwa ku kigero cya 83.95%, zigashimwa ku kigero cya 82.56% mu nzego z'abikorera na 85.96% mu miryango itari iya Leta.

Igenzura ryagaragaje ko ibijyanye no kubahiriza amabwiriza yo kwishyura ba rwiyemezamirimo biri ku kigero kiri hejuru ya 80% mu nzego zose zagenzuwe. Ku bijyanye no kubahiriza igihe mu kwishyura, igenzura ryagaragaje ko mu nzego z'abikorera ari ho biri ku kigero cyo hasi (61.54%) naho mu nzego za Leta no mu miryango itari iya Leta, biri ku kigero kiri hejuru ya 80%.

1.4.4. IGENZURA RY'ITEGANYABIKORWA RIGAMIJE KUNOZA IMITANGIRE YA SERIVISI

RGB yakoze igenzura mu bigo bya Leta, iby'abikorera n'imiryango itari iya Leta, hagamijwe kureba niba izo nzego ziteganyabikorwa bigamije kunoza serivisi, zikanabishyira muri gahunda z'ibikorwa. Ibyavuye mu igenzura biragaragara mu ishusho ikurikira.

Ishusho ya 3: Ijanisha ry'inzego ziteganyabikorwa muri gahunda z'ibikorwa ibijyanye no kunoza serivisi



1.4.5. IGENZURA RY'IMITANGIRE YA SERIVISI ZO GUTWARA ABANTU MU BURYO BWA RUSANGE MURI BISI

ABANTU BABAJIJE: 324



ABAGENZI: **280**
 ABASHOFERI: **28**
 ABAHAGARIYE IBIGO: **15**
 RURA: **1**

RGB yakoze igenzura ry'imitangire ya serivisi zo gutwara abantu mu buryo bwa rusange hakoreshejwe bisi mu rwego rwo kureba uko imitangire ya serivisi ihagaze, ahakiri intege nke kugira ngo harebwe icyakorwa mu kunoza imitangire y'izo serivisi. Iri genzura ryakorewe mu bigo bitanga iyi serivisi 15 byigenga byo mu Muji wa Kigali no mu ntara. Habajijwe abantu 324 barimo abagenzi 280, abashoferi 28, abahagarariye ibyo bigo 15 ndetse n'uhagarariye RURA.

Igenzura ryibanze ku nkingi eshanu arizo: kwihutisha serivisi, ubushobozi no kwizerwa by'utanga serivisi, ibikoresho n'ibikorwaremezo, kwita ku bakugana ndetse no kubahiriza amabwiriza y'imitangire ya serivisi. Incamake y'ibyavuye mu igenzura iragaragara mu mbonerahamwe ikurikira.





Aho byavuye: Assessment of Service Delivery in Public Transport Bus Services, October 2021

Imbonerahamwe ya 6:

Incamake y'ibyavuye mu igenzura ku mitangire ya serivisi zo gutwara abantu mu buryo bwa rusange



Muri rusange, igenzura ryagaragaje ko iyi serivisi y'imodoka zitwara abantu mu buryo bwa rusange iri ku kigero cya 64.42% aho udupimo turenga 50% tw'ibyapimwe dushimwa ku kigero kiri muni ya 60%. Ku bijyanye n'igihe abagenzi bamara bategereje imodoka muri gare mu Mujyi wa Kigali, byagaragaye ko abagenzi babishima ku kigero cyo hasi cya 31.67%.

Service



1.4.6.

GUKURIKIRANA ISHYIRWAMUBIKORWA RY'INAMA ZATANZWE KU MITANGIRE YA SERIVISI

RGB yakoze igenzura mu bigo 15 birimo ibya Leta n'abikorera hagamijwe kureba uko byashyize mu bikorwa inama zatanzwe ku mitangire ya serivisi mu bihe bitandukanye. Igenzura ryagaragaje ko inama zatanzwe zashyizwe mu bikorwa ku kigero cya 57.64% mu nzego za Leta, 50.38% mu nzego z'abikorera na 37.96% mu miryango itari iya Leta.

Nyuma yo gukora iri genzura bikagaragara ko inama zatanzwe zashyizwe mu bikorwa ku kigero cyo hasi, RGB yatanze ibiganiro n'amahugurwa ku mitangire ya serivisi n'ishyirwamubikorwa ry'ibipimo fatizo by'imitangire ya serivisi.

1.4.7.

UBUKANGURAMBAGA KU MITANGIRE YA SERIVISI BINYUZE MURI GAHUNDA YA "NK'UWIKORERA"

RGB yakomeje ubukangurambaga ku mitangire ya serivisi hifashishijwe gahunda ya "Nk'uwikorera". Ubu bukangurambaga bwibanze ku kuzamura ubumenyi bw'abatanga serivisi n'abayihabwa, basobanurirwa uruhare n'akamaro imitangire ya serivisi inoze ifite mu iterambere ry'Igihugu.

Ubukangurambaga bwanyujijwe mu biganirwa mbonankubone no mu bitangamakuru bikurikira: Radiyo Rwanda, Radiyo Salus, Radiyo Rusizi, Radiyo Nyagatare, Radiyo Musanze, Radiyo Isangano, KT Radio, Radiyo Rubavu, Televisiyo Rwanda, TV10 na Isango Star TV.

1.5.

IMITANGIRE YA SERIVISI, KWIMAKAZA IMIYOBORERE MYIZA N'IHURIRO RY'ABAFATANYABIKORWA MU ITERAMBERE (JADF)

1.5.1. UBUKANGURAMBAGA KU MIYOBORERE, IMITANGIRE YA SERIVISI NO KUZAMURA URUHARE RW'ABATURAGE BINYUZE MURI GAHUNDA "IMIYOBORERE TWIFUZA"

Muri gahunda y'Imiyoborere Twifuza, hakozwe ibiganiro bigamije gukangurira abaturage kugira uruhare mu bibakorerwa, gukemura ibibazo bibangamiye iterambere ryabo ndetse no kubibutsa ko nabo bafite uburengenzira n'uruhare muri serivisi inoze. Ibi biganiro byanyujijwe ku maradiyo umunani yiganjemo ay'abaturage yumvikana mu turere twose ariyo: Radiyo Rusizi, Radiyo Nyagatare, Radiyo Musanze, Radiyo Isangano, Radiyo Rubavu, KT Radio, Radiyo Salus na Isango Star.

1.5.2. IBIGANIRO N'URUBYIRUKO RWIGA MU MASHURI YISUMBUYE, AMAKURU NA KAMINUZA

RGB yagiranye ibiganiro n'urubyiruko rwo mu mashuri yisumbuye, amashuri makuru na kaminuza mu rwego rwo kubashishikariza kugira uruhare mu kwimakaza imiyoborere myiza, imitangire ya serivisi inoze n'uruhare rwabo mu kwihutisha iterambere.

Ibi biganiro byakozwe hakoreshejwe ikoranabuhanga, byitabirwa n'abayobozi b'abanyeshuri hamwe n'abagize *clubs* z'imiyoborere baturutse mu mashuri yisumbuye umunani n'amashuri makuru na kaminuza umunani. Urubyiruko rwiyejeje gukangurira bagenzi barwo kurushaho kugira uruhare mu iterambere.

1.5.3. GUHUZA IBIKORWA BYA GAHUNDA YO KWIGENZURA NO KWIGIRANAHO (PEER REVIEW AND PEER LEARNING)

Gahunda yo kwigenzura no kwigiranaho, igamije kunoza imitangire ya serivisi n'imitangire y'umutungo mu bigo bya Leta bitagenerwa ingengo y'imari n'itegeko (Non-budget agencies), birimo imirenge, utugari, ibigo nderabuzima, amashuri abanza n'ay'isumbuye. Iyi gahunda ikorerwa ku rwego rw'umurenge, ikibanda ku nkingi enye arizo: aho gukorera haboneye, imitangire ya serivisi, imitangire y'imari n'umutungo wa Leta n'imitangire ya gahunda za Leta zigamije guhindura imibereho y'abaturage.

Ishyirwamubikorwa ry'iyi gahunda rigirwamo uruhare n'inzego zitandukanye. RGB ishinze gufasha mu kubaka ubushobozi bw'inzego zirebwa n'iyi gahunda, gushyiraho imirongo ngenderwaho mu bikwiye kwibandwaho mu gukora igenzura no gukurikirana ku rwego rw'igihugu ibikorwa no gukora isuzuma ry'iyi gahunda. RGB ishinze kandi kwakira no guhuza raporo zivuye ku ntara n'Umujyi wa Kigali ndetse no gutanga inama ku bikwiye kunozwa. Ku bijyanye no kubaka ubushobozi, itsinda ry'abakozi ba RGB ryakoranye n'abakozi b'Intara y'iburengerazuba

n'ab'uturere tuyigize mu kuvugurura urutonde rw'ibibazo byakoreshejwe mu gushyira mu bikorwa gahunda yo kwigenzura no kwigiranaho.

Ku bijyanye n'inshingano yo gukurikirana ibikorwa, gukora isuzuma ry'iyi gahunda no guhuza raporo zivuye ku \ntara n'Umujyi wa Kigali, RGB yakiriye gahunda na raporo z'ibikorwa byo kwigenzura no kwigiranaho byateguwe n'intara n'Umujyi wa Kigali. Nyuma yo kwakira izo raporo, RGB yakoze isesengura ryazo ivanamo raporo y'umwaka igaragaza ibyakozwe muri iyi gahunda, inatanga inama z'ibikeneye kunozwa.

INCAMAKE Y'IBYAVUYE MURI RAPORO Z'INTARA N'UMUJYI WA KIGALI.

Mu mwaka wa 2021-2022, intara zose n'Umujyi wa Kigali zashyize mu bikorwa gahunda yo kwigenzura no kwigiranaho mu nkingi eshatu arizo: aho gukorera haboneye, imitangire ya serivisi n'imicungire y'imari n'umutungo wa Leta.

AHO GUKORERA HABONEYE


Muri iyi nkingi hasuzumwa isuku, umutekano w'ahakorerwa, ibimenyetso ndangahantu, aho ibinyabiziga bihagarara, aho gukorera n'aho kwicara, aho abasaba serivisi bategerereza, kugira amashanyarazi n'ibikoresho by'ikoranabuhanga, ubwishingizi bw'inyubako, inzira z'abafite ubumuga, ibigega bifata amazi ava ku nzu, imiterere y'ibiro byo gukoreramo, kizimyamoto n'abarinda umutekano.

IMITANGIRE YA SERIVISI MURI GAHUNDA YO KWIGENZURA NO KWIGIRANAHO

Muri iyi nkingi hasuzumwa uburyo abagana urwego bakirwa, amahame n'amabwiriza agenga itangwa rya serivisi, igihe bitwara ngo usaba serivisi ayibone, imihigo y'ikigo, n'uburyo bufasha abaturage kugaragaza uko babona imitangire ya serivisi.

IMICUNGIRE Y'IMARI N'UMUTUNGO BYA LETA

Muri iyi nkingi hasuzumwa uburyo igenamigambi n'ingengo y'imari bitegurwa, uburyo urwego rwishakira umutungo bwite n'uturuka ahandi, ibisohora amafaranga, imitangire y'amasoko, ibitabo na raporo by'ibaruramari, imicungire y'ibikoresho, imicungire y'abakozi, gusana no gufata neza inyubako za Leta, imicungire y'imitungo yimukanwa n'itimukanwa.



1.5.3.1.

INCAMAKE Y'IBYAVUYE MU IGENZURA MU NTARA Y'AMAJYEPFO

Mu Ntara y'Amajyepfo hagenzuwe ibigo (NBAs) 1,085 birimo ibigo nderabuzima 144, imirenge 101, amashuri 833 n'ibitaro 7. Ibyavuye mu igenzura bigaragara mu mbonerahamwe zikurikira.

Imbonerahamwe ya 7: Ibyagaragajwe n'igenzura mu Ntara y'Amajyepfo ku birebana n'aho gukorera haboneye

Icyagenzuwe	Aho biri	Ijanisha	Aho bitari	Ijanisha
Imbago	733	67.6	352	32.4
Uruzitiro	787	72.5	298	27.5
Inzira z'abafite ubumuga	829	76.4	256	23.6
Parikingi	624	57.5	461	42.5
Ibimenyetso ndangahantu	897	82.7	188	17.3
Ibikoresho byo mu biro	627	57.8	458	42.2
Inyubako zishaje	382	35.2	703	64.8
Kizimyamoto	521	48.0	564	52.0
Ubwishingizi bw'inyubako (Inkongi y'umuriro)	552	50.9	533	49.1
Imirindankuba	504	46.5	581	53.5

Aho byavuye: Raporo y'Intara y'Amajyepfo kuri gahunda yo kwigenzura no kwigiranaho 2021-2022

Imbonerahamwe ya 8: Ibyagaragajwe n'igenzura mu Ntara y'Amajyepfo ku birebana n'imitangire ya serivisi

Icyagenzuwe	Aho biri	Ijanisha	Aho bitari	Ijanisha
Aho kwakirira abasaba serivisi	594	54.7	491	45.3
Inyandiko y'ibigenderwaho mu gutanga serivisi	657	60.6	428	39.4
Gutanga amakuru kuri serivisi zasabwe (feedback)	568	52.4	517	47.6
Ishyinguranyandiko	841	77.5	244	22.5
Imihigo y'abakozi	725	66.8	360	33.2
Imihigo y'ibigo	725	66.8	360	33.2

Aho byavuye: Raporo y'Intara y'Amajyepfo kuri gahunda yo kwigenzura no kwigiranaho 2021-2022

Imbonerahamwe ya 9: Ibyagaragajwe n'igenzura mu Ntara y'Amajyepfo ku birebana n'imicungire y'umutungo

Icyagenzuwe	Aho biri	Ijanisha	Aho bitari	Ijanisha
Gukora raporo y'imari iteganywa n'amabwiriza ya MINECOFIN	935	86.2	150	13.8
Inyandiko z'ikoreshwa ry'imari	909	83.8	176	16.2
Kwishyura hakaswe imisoro	767	70.7	318	29.3
Raporo y'imitangire y'amasoko	912	84.1	173	15.9
Raporo y'imicungire y'ibikoresho	846	78.0	239	22.0

Aho byavuye: Raporo y'Intara y'Amajyepfo kuri gahunda yo kwigenzura no kwigiranaho 2021-2022

Ibibazo byagaragajwe n'igenzura bikeneye kwitabwaho mu Ntara y'Amajyepfo birimo inyubako zidafite ubwishingizi bw'inkongi y'umuriro (49.1%), inyubako zidafite imirindankuba (53.5%), inyubako zidafite kizimyamoto (52.2%), inyubako zishaje (35.2%) n'ibigo bidafite imihigo (33.2%).



1.5.3.2.

INCAMAKE Y'IBYAVUYE MU IGENZURA MU NTARA Y'IBURENGERAZUBA

Mu Ntara y'Iburengerazuba hagenzuwe ibigo nderabuzima 122. Ibyavuye mu igenzura bigaragara mu mbonerahamwe zikurikira.

Imbonerahamwe ya 10: Ibyagaragajwe n'igenzura mu bigo nderabuzima mu Ntara y'Iburengerazuba ku birebana n'aho gukorera haboneye

Icyagenzuwe	Aho biri	Ijanisha	Aho bitari	Ijanisha
Uruzitiro	72	59.0	50	41.0
Ibiro byo gukoreramo biboneye	77	63.1	45	36.9
Kizimyamoto	78	63.9	44	36.1
Abakozi bahuguriwe gukoresha kizimyamoto	62	50.8	60	49.2
Ibimenyetso ndangahantu	77	63.1	45	36.9
Ishyinguranyandiko	62	50.8	60	49.2
Ubwishingizi bw'inyubako (inkongi y'umuriro)	24	19.7	98	80.3

Aho byavuye: Raporo y'Intara y'Iburengerazuba kuri gahunda yo kwigenzura no kwigiranaho 2021-2022

Imbonerahamwe ya 11:**Ibyagaragajwe n'igenzura mu Ntara y'Iburengerazuba ku birebana n'imitangire ya serivisi**

Icyagenzuwe	Aho biri	Ijanisha	Aho bitari	Ijanisha
Aho kwakirira abasaba serivisi	82	67.2	40	32.8
Inyandiko y'ibigenderwaho mu gutanga serivisi	47	38.5	75	61.5
Gutanga amakuru kuri serivisi zasabwe (feedback)	57	46.7	65	53.3
Gusakara inzira zihuza serivise zo mu bigo	52	42.6	70	57.4
Farumasi zunganira ibigo nderabuzima	57	46.7	65	53.3

Aho byavuye: Raporo y'Intara y'Iburengerazuba kuri gahunda yo kwigenzura no kwigiranaho 2021-2022

Imbonerahamwe ya 12:**Ibyagaragajwe n'igenzura mu Ntara y'Iburengerazuba ku birebana n'imirungire y'umutungo**


Icyagenzuwe	Aho biri	Ijanisha	Aho bitari	Ijanisha
Gahunda y'ibikorwa	118	96.7	4	3.3
Ingengo y'imari	118	96.7	4	3.3
Raporo y'ikoreshwa ry'imari	91	74.6	31	25.4
Raporo y'ibikorwa	89	73.0	33	27.0
Gahunda y'itangwa ry'amasoko	76	62.3	46	37.7
Ibigo bifite imyenda	114	93.4	8	6.6
Ibigo bifite imyenda	112	91.8	10	8.2
Akanama k'amasoko	114	93.4	8	6.6
Raporo y'itangwa ry'amasoko	105	86.1	17	13.9

Aho byavuye: Raporo y'Intara y'Iburengerazuba kuri gahunda yo kwigenzura no kwigiranaho 2021-2022

Bimwe mu bibazo byagaragajwe n'igenzura mu Ntara y'Iburengerazuba harimo inyubako zitagira ubwishingizi bw'inkongi z'umuriro (80.3%), ibigo bitagira uruzitiro (41%), ibigo bitagira uburyo bwo kubika inyandiko (49.2%), ibitagira inyandiko y'ibigenderwaho mu gutanga serivisi (61.5%) n'ahatari farumasi zunganira iz'ibigo nderabuzima (53.3%).

Mu Ntara y'Iburengerazuba hagenzuwe kandi gahunda yo kugaburira abanyeshuri ku manywa (school feeding) mu mashuri abanza n'ay'isumbuye, hagamijwe kureba imirungire yayo. Raporo y'intara kuri gahunda yo kwigenzura no kwigiranaho, yagaragaje ko mu banyeshuri 732,444 bo muri iyi ntara, 682,194 bangana na 93.13% ari bo bafata ifunguro ryo ku manywa ku ishuri.

Imbonerahamwe ya 13:
Uruhare rw'ababyeyi muri gahunda yo kugaburira abanyeshuri ku manywa (School Feeding) mu Ntara y'Iburengerazuba



Raporo y'Intara yo kwigenzura no kwigiranaho, igaragaza ko uruhare rw'ababyeyi muri gahunda yo gutanga ifunguro rya sa sita ku banyeshuri rukiri ruto cyane. Ibi bigaragaza ko hakwiye kongerwa ubukangurambaga kugira ngo ababyeyi bagire uruhare rugaragara muri iyi gahunda.

Aho byavuye: Raporo y'Intara y'Iburengerazuba kuri gahunda yo kwigenzura no kwigiranaho 2021-2022

1.5.3.3

INCAMAKE Y'IBYAVUYE MU IGENZURA MU NTARA Y'AMAJYARUGURU



Mu Ntara y'Amajyaruguru hagenzwe ibigo 768 birimo ibigo nderabuzima 103, amashuri 592 n'imirenge 73. Ibyavuye mu igenzura bigaragara mu mbonerahamwe zikurikira:

Imbonerahamwe ya 14:
Ibyagaragajwe n'igenzura mu Ntara y'Amajyaruguru ku birebana n'aho gukorera haboneye

Icyagenzuwe	Aho biri	Ijanisha	Aho bitari	Ijanisha
Imbago	571	74.3	197	25.7
Uruzitiro	547	71.2	221	28.8
Kizimyamoto	570	74.2	198	25.8
Ubwishingizi bw'inyubako (inkongi y'umuriro)	453	59.0	315	41.0
Imirindankuba	579	75.4	189	24.6
Ibyapa ndangahantu	615	80.1	153	19.9

Aho byavuye: Raporo y'Intara y'Amajyaruguru kuri gahunda yo kwigenzura no kwigiranaho 2021-2022

Imbonerahamwe ya 15:
Ibyagaragajwe n'isuzuma mu Ntara y'Amajyaruguru ku birebana n'imitangire ya serivisi

Icyagenzuwe	Aho biri	Ijanisha	Aho bitari	Ijanisha
Aho kwakirira ababigana haboneye	500	65.1	268	34.9
Inyandiko y'ibigenderwaho mu gutanga serivisi	567	73.8	201	26.2
Gutanga amakuru kuri serivisi zasabwe (feedback)	200	26.0	568	74.0
Ishyinguranyandiko	400	52.1	368	47.9
Isomero ku mashuri	290	49.0	302	51.0
Amabwiriza y'imicungire ya "Capitation grant"	405	68.4	187	31.6
Ibibuga by'imikino ku mashuri	410	69.3	182	30.7


Aho byavuye: Raporo y'Intara y'Amajyaruguru kuri gahunda yo kwigenzura no kwigiranaho 2021-2022

Imbonerahamwe ya 16:
Ibyagaragajwe n'isuzuma mu Ntara y'Amajyaruguru ku birebana n'imicungire y'umutungo

Icyagenzuwe	Aho biri	Ijanisha	Aho bitari	Ijanisha
Gahunda y'ibikorwa	728	94.8	40	5.2
Ingengo y'imari	728	94.8	40	5.2
Inyandiko z'ikoreshwa ry'imari	733	95.4	35	4.6
Guhugura akanama gashinzwe amasoko	540	70.3	228	29.7
Reporo y'itangwa ry'amasoko	578	75.3	190	24.7
Raporo yo gutanga ibikoresho	543	70.7	225	29.3
Kwishyura hakaswe imisoro	583	75.9	185	24.1

Aho byavuye: Raporo y'Intara y'Amajyaruguru kuri gahunda yo kwigenzura no kwigiranaho 2021-2022

Raporo y'Intara y'Amajyaruguru igaragaza ko ibibazo bikeneye kwitabwaho birimo inyubako zidafite ubwishingizi bw'inkongi z'umuriro (41%), amashuri adafite isomero (51.%) n'amashuri adafite ibibuga by'imikino (30.7%).



1.5.3.4

IBYAVUYE MU IGENZURA MU NTARA Y'IBURASIRAZUBA

Mu Ntara y'Iburasirazuba hagenzuwe ibigo 928, birimo ibigo nderabuzima 135 amashuri 698 n'imirengere 95. Ibyavuye mu bugenzuzi bigaragara mu mbonerahamwe ikurikira:

Imbonerahamwe ya 17: Ibyagaragajwe n'igenzura mu Ntara y'Iburasirazuba ku birebana n'aho gukorera haboneye

Icyagenzuwe	Aho biri	Ijanisha	Aho bitari	Ijanisha
Imbago	659	71.0	269	29
Uruzitiro	657	70.8	271	29
Inzira z'abafite ubumuga	355	38.3	573	62
Ubwishingizi bw'inyubako (Inkongi y'umuriro)	50	5.4	878	95
Kizimyamoto	120	12.9	808	87
Abarinda umutekano	879	94.7	49	5
Inyubako zishaje	175	19	753	81

Aho byavuye: Raporo y'Intara y'Iburasirazuba kuri gahunda yo kwigenzura no kwigiranaho 2021-2022

Imbonerahamwe ya 18: Ibyagaragajwe n'igenzura mu Ntara y'Iburasirazuba ku birebana n'imitangire ya serivisi

Icyagenzuwe	Aho biri	Ijanisha	Aho bitari	Ijanisha
Aho kwakirira ababigana	783	84.4	145	15.6
Inyandiko y'ibigenderwaho mu gutanga serivisi	466	50.2	462	49.8
Gutanga amakuru kuri serivisi zasabwe (feedback)	630	67.9	298	32.1
Ishyinguranyandiko	683	73.6	245	26.4
Amabwiriza y'imicungire ya "Capitation grant"	779	83.9	149	16.1
Gukorerwa igenzura ry'imyigishirize	807	87.0	121	13.0
Ibibuga by'imikino	639	68.9	289	31.1

Aho byavuye: Raporo y'Intara y'Iburasirazuba kuri gahunda yo kwigenzura no kwigiranaho 2021-2022

Imbonerahamwe ya 19:
Ibyagaragajwe n'igenzura mu Ntara y'Iburasirazuba ku birebana n'imirungire y'umutungo

Icyagenzuwe	Aho biri	Ijanisha	Aho bitari	Ijanisha
Gahunda y'ibikorwa	864	93.1	64	6.9
Ingengo y'imari	820	88.4	108	11.6
Raporo y'ikoreshwa ry'umutungo	866	93.3	62	6.7
Gahunda y'itangwa ry'amasoko	685	73.8	243	26.2
Akanama k'amasoko	883	95.2	45	4.8
Reporo y'itangwa ry'amasoko	693	74.7	235	25.3
Raporo yo gutanga ibikoresho	785	84.6	143	15.4
Kwishyura hakaswe imisoro	796	85.8	132	14.2

Aho byavuye: Raporo y'Intara y'Iburasirazuba kuri gahunda yo kwigenzura no kwigiranaho 2021-2022

Ibibazo byagaragajwe n'igenzura bikeneye kwitabwaho mu Ntara y'Iburasirazuba harimo inyubako zidafite ubwishingizi bw'inkongi z'umuriro (95%), inyubako zitagira kizimyamoto (87%), ibigo bidafite inzira z'abafite ubumuga (62%) n'ibigo bidafite inyandiko z'ibigenderwaho mu gutanga serivisi (49.8%).

1.5.3.5

INCAMAKE Y'IBYAVUYE MU IGENZURA MU MUJYI WA KIGALI



Mu Mujyi wa Kigali hagenzuwe ibigo 102 birimo imirengere 20, amashuri 65 n'ibigo nderabuzima 17. Ibyavuye mu igenzura bigaragara mu mbonerahamwe zikurikira:

Imbonerahamwe ya 20:
Ibyagaragajwe n'igenzura mu Mujyi wa Kigali ku birebana n'aho gukorera haboneye

Icyagenzuwe	Aho biri	Ijanisha	Aho bitari	Ijanisha
Inzira z'abafite ubumuga	53	52.0	49	48.0
Inyubako n'ibiro biboneye	52	51.0	50	49.0
Ibimenyetso ndangahantu	47	46.1	55	53.9
Ubwishingizi bw'inyubako n'ibikoresho (Inkongi y'umuriro)	72	70.6	30	29.4
Ibikoresho byo mu biro	57	55.9	45	44.1
Inyubako zishaje	72	70.6	30	29.4

Aho byavuye: Raporo y'Umujyi wa Kigali kuri gahunda yo kwigenzura no kwigiranaho 2021-2022

Imbonerahamwe ya 21:
Ibyagaragajwe n'igenzura mu Muji wa Kigali ku birebana n'imitangire ya serivisi

Icyagenzuwe	Aho biri	Ijanisha	Aho bitari	Ijanisha
Aho kwakirira abasaba serivisi	62	60.8	40	39.2
Inyandiko y'ibigenderwaho mu gutanga serivisi	43	42.2	59	57.8
Gutanga amakuru kuri serivisi zasabwe (feedback)	32	31.4	70	68.6
Ishyinguranyandiko	42	41.2	60	58.8
Imihigo y'abakozi	82	80.4	20	69.6
Isomero ry'ishuri	40	61.5	25	38.5
Amabwiriza y'imicungire ya "Capitation grant"	45	69.2	20	30.8
Gukora igenzura ry'imyigishirize	50	76.9	15	23.1
Ibibuga by'imikino	39	60.0	26	40.0

Aho byavuye: Raporo y'Umujyi wa Kigali kuri gahunda yo kwigenzura no kwigiranaho 2021-2022

Imbonerahamwe ya 22:
Ibyagaragajwe n'isuzuma mu Muji wa Kigali ku birebana n'imicungire y'umutungo

Icyagenzuwe	Aho biri	Ijanisha	Aho bitari	Ijanisha
Ingengo y'imari	80	78.4	22	21.6
Imicungire y'udutabo twa cheque	77	75.5	25	24.5
Gahunda y'amasoko	86	84.3	16	15.7
Guhugura akanama gashinzwe amasoko	94	92.2	8	7.8
Gahugura ababaruramari	95	93.1	7	6.9
Gahunda yo gucunga umutungo	96	94.1	6	5.9
Imikoreshereze inoze ya petty cash	97	95.1	5	4.9

Aho byavuye: Raporo y'Umujyi wa Kigali kuri gahunda yo kwigenzura no kwigiranaho 2021-2022

Ibibazo byagaragajwe n'igenzura bikeneye kwitabwaho mu Muji wa Kigali, harimo kutagira inyandiko zigenderwaho mu gutanga serivisi (Service charter) (57.8%), ibigo bifite ishyinguranyandiko ritanoze (58.8%) amashuri atagira ibibuga by'imikino (40%) n'ibigo bitagira inzira z'abafite ubumuga (62%).

1.5.4. ISESENGURA KU MIKORERE Y'INAMA Z'UBUYOBOZI MU BIGO BYA LETA N'IBY'ABIKORERA

RGB yakoze isesengura ry'imikorere y'Inama z'Ubuyobozi mu bigo bya Leta 70 n'ibigo by'abikorera 20. Iryo sesengura ryibanze ku mikorere y'Inama z'Ubuyobozi n'imikoranire yazo n'izindi nzego. Imbonerahamwe ikurikira iragaragaza incamake y'ibyavuye mu isesengura.

Imbonerahamwe ya 23:

Incamake yimiterere y'inama z'ubuyobozi mu bigo bya Leta byagenzuwe

No	Iimiterere y'inama z'ubuyobozi mu bigo bya Leta	Umubare w'ibigo
1	Ibigo bifite inama z'ubuyobozi zuzuye	29/70
2	Ibigo bidafite inama z'ubuyobozi	13/70
3	Ibigo bifite inama z'ubuyobozi zituzuye	13/70
4	Ibigo bifite inama z'ubuyobozi zacyuye igihe ariko zigikora	14/70
5	Ibigo bifite inama z'ubuyobozi zitaratangira imirimo	1/70

Aho byavuye: Raporo y'Intara y'Amajyaruguru kuri gahunda yo kwigenzura no kwigiranaho 2021-2022

IBIGO BY'ABIKORERA BYASUZUMWE



**IBIFITE INA
Z'UBUYOBOZI
ZUZUYE:**
18

**ABAGORE
MU NAMA
Z'UBUYOBOZI:**
27%

Mu bigo by'abikorera 20 byasuzumwe, 18 bifite inama z'ubuyobozi zuzuye. Isuzuma ryagaragaje ko 27% by'abagize inama z'ubuyobozi mu bigo by'abikorera ari abagore. icyakora, isuzuma ryagaragaje ko ibigo 10 kuri 20 byasuzumwe bifite nibura 30% by'abagore mu nama z'ubuyobozi zabyo.

Ibibazo byagaragaye mu mikorere y'inama z'ubuyobozi muri bimwe mu bigo byagenzuwe harimo kudakora uko bikwiye inama ziteganywa n'itegeko, kutohereza ku gihe ubutumire bw'inama n'ibizasuzumwa, kutemeza inyandiko z'igenamigambi, ingengo y'imari na raporo by'ikigo. Isuzuma ryagaragaje kandi ko imyanzuro y'Inama z'ubuyobozi muri bimwe mu bigo bya Leta itajya yemezwa n'inzego zibifitiye ububasha nk'uko biteganywa n'itegeko.

Ku bijyanye no gukurikirana imikoreshereze y'imari n'umutungo, isuzuma ryagaragaje ko hakiri ibikeneye kunozwa, birimo kugenzura imikoreshereze y'umutungo w'ibigo, kugenzura imikorere y'ishami ry'ubugenzuzi no gukurikirana imicungire y'abakozi.

1.5.5. GUHUZA IBIKORWA BY'IHURIRO RY'ABAFATANYABIKORWA MU ITERAMBERE (JADF)

Ku bufatanye n'ubuyobozi bw'intara, Umujyi wa Kigali, uturere n'abagize Ihuriro ry'Abafatanyabikorwa mu Iterambere, RGB yateguye inama ziteganywa n'amabwiriza ya Minisitiri w'Intebe agenga imikorere ya JADF. Muri urwo rwego, hakozwe inama nyunguranabitekerezo imwe muri buri ntara n'Umujyi wa Kigali ndetse n'inama enye mpuzabikorwa z'igihembwe, nk'uko byari biteganyijwe. Izi nama zari zigamije gukurikirana, guhuriza hamwe ibikorwa no kujya inama ku cyarushaho guteza imbere uruhare rwa JADF mu iterambere rirambye.



Abitabiriye inama y'ihuriro ry'Abafatanyabikorwa mu Ntara y'Amajyaruguru.



Abitabiriye inama y'ihuriro ry'Abafatanyabikorwa mu Ntara y'Amajyepfo.



Abayobozi bitabiriye inama y'ihuriro ry'Abafatanyabikorwa mu Mujyi wa Kigali.

Muri izi nama nyunguranabitekerezo, haganiriwe ku ruhare rw'abafatanyabikorwa mu guteza imbere Igihugu muri rusange n'uturere bakoreramo by'umwihariko, hagaragazwa ahagomba kongerwamo imbaraga harimo: kuzamura imibereho myiza y'abaturage, kurwanya imirire mibi n'igwingira ry'abana, kurwanya amakimbirane mu miryango, kwita ku isuku no kurwanya ikoreshwa ry'ibiyobyabwenge.

Abitabiriye inama baganiriye ku mahame agenga Ihuriro ry'Abafatanyabikorwa mu Iterambere ry'Akarere, biyemeza kongera ubufatanye gutegurira hamwe gahunda z'iterambere, kuzishyira mu bikorwa no kuzigenzura, hagamijwe kuzana impinduka mu mibereho y'abaturage.

Mu rwego rwo kongerera ubumenyi abagize JADF, RGB ku bufatanye n'intara, bahuguye inzego z'ubuyobozi ku rwego rw'Intara n'uturere (executive coaching). Hanakozwe ingendoshuri zigamije kwigiranaho, aho uturere twa Burera, Muhanga na Kirehe twasuye utwa Gakenke na Gatsibo, twateye imbere mu mikorere ya JADF. Uturere twa Musanze, Rulindo, Gatsibo, Ruhango, Nyagatare, Bugesera na Rwamagana, twafashijwe kunoza igenamigambi rihuriweho (joint planning).

Habaye kandi inama zitandukanye zahuje abagize komite ya JADF n'Inama Njyanama mu turere twa Musanze, Rulindo, Karongi, Bugesera, Nyanza, Kamonyi na Gisagara. Muri izi nama, RGB yatanze ibiganiro ku mikorere, imikoranire, uruhare rw'abafatanyabikorwa mu iterambere ndetse n'imitangire ya serivisi.

BIMWE MU BIKORWA BY'ABAFATANYABIKORWA MU ITERAMBERE

Nk'uko biteganywa n'amabwiriza ya Minisitiri w'Intebe, uturere twashyikirije RGB raporo z'ibikorwa bya JADF. Bimwe mu bikorwa byagizwemo uruhare n'abafatanyabikorwa bibumbiye muri JADF, harimo kuzahura amakoperative yari yagizwemo ingaruka n'icyorezo cya COVID-19, gufasha amakoperative y'ubuhinzi kubaka ubuhunikiro bw'imyaka, gufasha abagore bakora ubucuruzi buciriritse kubona aho gukorera (agro-community selling points), kubaka amakusanyirizo y'amata, kugeza amazi meza ku baturage, kubaka ibyumba by'amashuri n'amarerero yujuje ibisabwa, gufasha abaturage batishoboye kubona ubwisungane mu kwivuza, kubakira abatishoboye amacumbi, ubukangurambaga mu kurwanya ihohoterwa rishingiye ku gitsina no kurengera abana, kuzamura uruhare rw'abaturage mu bibakorerwa no kubamurikira ishyirwamubikorwa ry'imihigo.

N'ubwo hari byinshi bimaze kugerwaho n'Ihuriro ry'Abafatanyabikorwa mu Iterambere (JADF), haracyakenewe kongera imbaraga muri ibi bikurikira:

- ▶ Ihuzabikorwa n'ubufatanye hagati y'uturere n'abafatanyabikorwa;
- ▶ Igenamigambi rihuriweho;
- ▶ Kongerera ubushobozi inzego za JADF mu kunoza imikorere, ikurikirana n'isuzumabikorwa;

1.6. IMITWE YA POLITIKI, IMIRYANGO ITARI IYA LETA N'IMIRYANGO ISHINGIYE KU MYEMERERE

UMURYANGO FPR-INKOTANYI		ISHYAKA RIHARANIRA UKWISHYIRA UKIZANA KWA BURI MUNTU (PL)		ISHYAKA RIHARANIRA UBUMWE BW' ABANYARWANDA NA DEMOKARASI (U.D.P.R)		ISHYAKA NTANGARUGERO MURI DEMOKARASI (P.D.I)	
ISHYAKA RIHARANIRA DEMOKARASI N' IMIBEREHO MYIZA Y' ABATURAGE (P.S.D)		ISHYAKA RY' ITERAMBERE N' UBUSABANE (P.P.C)		ISHYAKA RIHARANIRA DEMOKARASI IHUZA ABANYARWANDA (P.D.C)		ISHYAKA RYA GISOSIALISITI RIRENGERA ABAKOZI MU RWANDA (P.S.R)	
PARTY FOR SOLIDARITY AND PROGRESS (PSP)		PS - IMBERAKURI		ISHYAKA RIHARANIRA DEMOKARASI NO KURENGERA IBIDUKIKIJE MU RWANDA (DGPR)			




Muri iki cyiciro, mu mwaka wa 2021-2022 hari hateganyijwe kwandika imiryango itari iya Leta, imiryango ishingiyeye ku myemerere n'imitwe ya politiki yujuje ibisabwa, gutangiza ikoresheya rya "system" y'ikorabuhanga yo kwandika imiryango itari iya Leta, imiryango ishingiyeye ku myemerere n'imitwe ya politiki no kugenzura imikorere n'iyubahirizwa ry'amategeko ku miryango itari iya Leta, imiryango ishingiyeye ku myemerere n'imitwe ya politiki. Hari hanateganyijwe ibiganiro n'imiryango itari iya Leta, imiryango ishingiyeye ku myemerere n'imitwe ya politiki ku bijyanye n'imiyoborere, imitungire ya serivisi n'iyubahirizwa ry'amategeko no kongerera ubushobozi imitwe ya politiki, imiryango itari iya Leta n'ishingiyeye ku myemerere kugira ngo irushaho kugira uruhare mu kuzamura ubukungu n'imibereho myiza by'abaturage.

1.6.1. KWANDIKA IMIRYANGO ITARI IYA LETA, IMIRYANGO ISHINGIYE KU MYEMERERE N'IMITWE YA POLITIKI

Mu mwaka wa 2021-2022, RGB yakiriye ubusabe bw'imiryango itandukanye ishaka kwiyandikisha cyangwa guhuza n'itegeko, nk'uko bigaragara mu mbonerahamwe zikurikira:






1.6.2. GUTANGIZA IKORESHA RYA “SYSTEM” Y’IKORANABUHANGA YO KWANDIKA IMIRYANGO ITARI IYA LETA; IMIRYANGO ISHINGIYE KU MYEMERERE N’IMITWE YA POLITIKI

Ku bufatanye na MINECOFIN na RISA, RGB yakomeje igikorwa cyo kubaka uburyo bw’ikoranabuhanga bwitwa “e-Imiryango”, bugamije kunoza serivisi zo kwandika no gukurikirana imiryango itari iya Leta, ishingiyeye ku myemerere n’imitwe ya politiki no kubika neza amakuru arebana nayo. Ubu buryo bw’ikoranabuhanga “e-Imiryango” ubu bwatangiyeye gukoreshwa.

1.6.3. KUGENZURA IMIKORERE N’IYUBAHIRIZWA RY’AMATEGEKO MU MIRYANGO ITARI IYA LETA, IMIRYANGO ISHINGIYE KU MYEMERERE N’IMITWE YA POLITIKI

Mu mwaka wa 2021-2022, RGB yakoze ubugenzuzi ku miyoborere n’iyubahirizwa ry’amategeko; gukorera mu mucyo no kubazwa inshingano; ishyirwamubikorwa rya gahunda z’imiryango; icungamutungo n’imicungire y’abakozi ndetse n’ubufatanye n’izindi nzego. Imbonerahamwe ikurikira iragaragaza umubare w’imiryango itari iya Leta, ishingiyeye ku myemerere ndetse n’imitwe ya politiki yagenzuwe.

Imbonerahamwe ya 24: Imiryango itari iya Leta, ishingiyeye ku myemerere n'imitwe ya politiki byagenzuwe



1.6.3.1 IBYAVUYE MU IGENZURA RYAKOZWE MU MIRYANGO ITARI IYA LETA N'ISHINGIYE KU MYEMERERE

Mu miryango itari iya Leta n'ishingiyeye ku myemerere, hagenzuwe imiyoborere n'iyubahirizwa ry'amategeko, gukorera mu mucyo no kubazwa inshingano, ishyirwamubikorwa rya gahunda z'imiryango, icungamutungo n'imicungire y'abakozi n'ubufatanye n'izindi nzego. Incamake y'ibyavuye muri iri genzura igaragara mu mbonerahamwe ikurikira:

Imbonerahamwe ya 25:
Incamake y'ibyavuye mu igenzura ry'imiryango itari iya Leta n'ishingiye ku myemerere

No	Icyiciro	Inkingi	Ijanisha
1	Imiryango mvamahanga itari iya Leta		88.58%
	1.1	Imiyoborere n'iyubahirizwa ry'amategeko	89.10%
	1.2	Ishyirwamubikorwa rya gahunda z'imiryango	94.30%
	1.3	Icungamutungo n'imicungire y'abakozi	81.50%
	1.4	Ubufatanye n'izindi nzego	89.40%
2	Imiryango nyarwanda itari iya Leta		71.44%
	2.1	Imiyoborere n'iyubahirizwa ry'amategeko	66.70%
	2.2	Gukorera mu mucyo no kubazwa inshingano	66.00%
	2.3	Ishyirwamubikorwa rya gahunda z'imiryango	74.00%
	2.4	Icungamutungo n'imicungire y'abakozi	70.80%
3	Imiryango ishingiyeye ku myemerere		60.84%
	3.1	Imiyoborere n'iyubahirizwa ry'amategeko	61.00%
	3.2	Gukorera mu mucyo no kubazwa inshingano	54.30%
	3.3	Ishyirwamubikorwa rya gahunda z'imiryango	59.30%
	3.4	Icungamutungo n'imicungire y'abakozi	50.30%
	3.5	Ubufatanye n'izindi nzego	79.30%

Aho byavuye: RGB CSO Monitoring Report 2021-2022

Igenzura ryagaragaje ko imiryango ishingiyeye ku myemerere ari yo yagaragaje intege nke mu mikorere yayo, mu nkingi zose zagenzuwe. Ikindi cyagaragaye, ni uko imiryango yose ikwiye gushyira ingufu mu miyoborere n'iyubahirizwa ry'amategeko no gukorera mu mucyo, by'umwihariko gukumira no kurwanya ibyaha by'iyezandonke, ibyo gutera inkunga ibikorwa by'iterabwoba n'ikwirakwiza ry'intwara za kirimbuzi.

Ku bijyanye n'ikurikiranabikorwa kandi, imiryango nyarwanda itari iya Leta n'ishingiyeye ku myemerere, yari ifite imishinga yatewe inkunga na RGB, yaragenzuwe. Imishinga 34 yarasuzumwe, harebwa uko yashyizwe mu bikorwa n'akamaro yagiriye abagenerwabikorwa. Imishinga mishya 26 yari isoje igihembwe cyayo cya mbere, yaragenzuwe kugira ngo harebwe niba ibyo yagaragaje izakora muri icyo gihembwe ari byo yakoze, mbere y'uko itangira igihembwe cya kabiri.

1.6.3.4 IMIKORERE Y'IMIRYANGO MVAMAHANGA ITARI IYA LETA

Nk'uko biteganywa n'itegeko, imiryango mvamahanga itari iya Leta yanditse mu Rwanda, igomba gushyikiriza raporo z'ibikorwa by'umwaka RGB bitarenze ukwezi kwa Nzeri buri mwaka. Kugeza muri Kamena 2022, imiryango 184 ingana na 94% ni yo yari imaze gutanga raporo.

Raporo zatanzwe n'imiryango mvamahanga itari iya Leta, zagaragaje ko iyi miryango yakoresheje amadorali y'Amerika 231,576,257 mu bikorwa bitandukanye bigaragara mu mbonerahamwe ikurikira:

Imbonerahamwe ya 26:

Imari yakoreshejwe n'imiryango mvamahanga mu bikorwa bitandukanye

No	Icyiciro	Umubare w'imiryango	Ingengo y'imari/ USD
1	Uburezi	60	39,136,774
2	Ubuzima, isuku n'isukura	39	37,636,345
3	Ubuhinzi n'ubworozi	30	21,763,878
4	Imibereho myiza	27	34,192,527
5	Iterambere ry'umuryango n'uburenganzira bw'abana	11	8,748,373
6	Uburunganire n'iterambere ry'umugore	13	10,493,764
7	Kubungabunga ibidukikije na pariki	9	9,320,257
8	Imicungire y'ibiza n'impunzi	11	9,320,257
9	Iterambere ry'ubukungu n'ishoramari	8	6,657,654
10	Guteza imbere imiyoborere n'itangazamakuru	6	307,902
11	Amazi	1	3,117,867
12	Urubyiruko	9	6,418,298
13	Guteza imbere ubucuruzi buciriritse n'ubwambukiranya imipaka	6	1,099,540
14	Ingufu zisubira, ubucukuzi bw'amabuye y'agaciro n'umutungo kamere	1	1,732,100
15	Guteza imbere siporo n'umuco	2	1,831,928
16	Guteza imbere ibikorwaremezo	3	8,291,470
17	Kubaka amahoro	1	4,024,611
Igiteranyo			231,576,257

Aho byavuye: RGB CSO Monitoring Report 2021-2022

Nk'uko bigaragara, inkingi y'imibereho myiza (uburezi, ubuzima no kuzamura imibereho myiza y'abaturage) ni yo yihariye hafi 48% by'imari yakoreshejwe n'imiryango mvamahanga itari iya Leta.

Imbonerahamwe ikurikira igaragaza ingero za bimwe mu bikorwa byagezweho n'imwe mu miryango mvamahanga itari iya Leta.

Imbonerahamwe ya 27:

Bimwe mu bikorwa by'ingenzi byakozwe n'imwe mu miryango mvamahanga itari iya Leta

ICYICIRO

UBUREZI



INGERO Z'IBYAGEZWEHO

Ibigo by'amashuri abanza 3,300 byo mu turere twose tw'Igihugu byahawe ibikoresho byo kwigisha imibare.

Abanyeshuri 68,537 bo mu miryango itishoboye, bafashijwe kwiga amashuri y'incuke, abanza, ayisumbuye na kaminuza.

Hahuguwe abarimu 3,077 bigisha imibare na siyansi hakoreshjwe ikorabunga mu turere 14, hagamijwe kunoza imyigishirije igezweho.

Abanyeshuri 1,609 n'abarimu 1,924 bahawe ifunguro rya saa sita mu turere twa Bugesera na Kayonza.

UBUHINZI N'UBWOROZI



Abahinzi 512,000 bo mu turere 27 bahawe toni 7,747 z'inyongeramusaruro, na toni 2,974 z'imbutu z'indobanure.

Mu rwego rwo guteza imbere ubuhinzi bubungabunga ibidukikije, hatwe ibiti bisaga miliyoni 15 mu turere 24.

Mu rwego rwo kurwanya ubukene n'imirire mibi, imiryango 7,677 yo mu turere turindwi yorojwe inkoko 33,645, inka 87, ihene 135 n'ingurube 54.

Abahinzi 2,000 bo mu karere ka Kirehe bakoresha amazi yo mu bishanga, bahuguwe ku buryo bwo kuyakoresha mu kuhira no guhinga kijyambere.

Hubatswe amakusanyirizo mato y'amata 50, hanavugururwa andi 40 mu turere 12.

Hubatswe ibigega 43 byo gufata amazi no kurwanya isuri mu turere twa Kayonza, Nyarugenge na Nyabihu

UBUZIMA



Hubatswe amavuriro y'ibanze (health posts) 26 mu turere 8.

Mu rwego kandi rwo kwigisha urubyiruko kwirinda indwara zandurira mu mibonano mpuzabitsinda, hubatswe ibigo by'urubyiruko 6 mu turere twa Rulindo, Nyarugenge, Gakenke, Rusizi, Karongi na Gisagara.

Hasiramuwe abagabo 60,499 mu rwego rwo kugabanya ibyago byo kwandura indwara zandurira mu mibonano mpuzabitsina.

Mu rwego rwo kwirinda COVID-19, hubatswe aho gukurabira intoki 21 (Handwashing facilities) mu masoko n'ibigo bya mashuri mu turere twa Kicukiro, Gasabo, Nyarugenge na Nyabihu.

1.6.3.5 IMIRYANGO ITARI IYA LETA YAGARAGAYEMO AMAKIMBIRANE N'ICYAKOZWE

Mu rwego rwo kubahiriza amahame y'imiyoborere no kunoza imitangire ya serivisi, RGB ifatanyije n'inzego bireba yakurikiranye imiryango yagarayemo amakimbirane, hafatwa ibyemezo bigaragara mu mbonerahamwe ikurikira:

Imbonerahamwe ya 28: Gukemura amakimbirane mu miryango

N°	UMURYANGO	ICYICIRO CY'UMURYANGO	IMITERERE Y'IKIBAZO	ICYEMEZO CYAFASHWE
1	Miracle Center Church	Umuryango ushingiyeye ku myemerere	Uyu muryango wagaragayemo ibibazo by'imiyoborere n'amakimbirane hagati y'abanyamuryango byakuruye umwuka mubi hagati yabo.	Umuryango wavuguruye amategeko, urayemeza, ushyiraho n'inzego z'ubuyobozi bityo RGB iwuha icyemezo cyo guhuza n'itegeko.
2	ADEPR	Umuryango ushingiyeye ku myemerere	Uyu muryango wagaragayemo ibibazo by'imiyoborere n'amakimbirane hagati y'abanyamuryango byakuruye umwuka mubi hagati yabo.	Umuryango wavuguruye amategeko, urayemeza, ushyiraho n'inzego z'ubuyobozi bityo RGB iwuha icyemezo cyo guhuza n'itegeko.
3	Canaan Revival Temple	Umuryango ushingiyeye ku myemerere	Uyu muryango wagaragayemo ibibazo mu miyoborere, amakimbirane n'imyitwarire mibi y'abayobozi bawo harimo no kwiyandikaho imitungo y'umuryango.	RGB yasanze umuyobozi wungirije w'uyu muryango yarandikishije ubutaka bwawo ku mwana we, imuha igihe ntarengwa cyo kuba kwasubijwe umuryango. Ubutaka kwasubijwe mu izina ry'umuryango, RGB iracyanakurikirana ikibazo cy'imiyoborere kikigaragara muri uyu muryango.
4	Life Christian Ministries (LCM)	Umuryango ushingiyeye ku myemerere	Uyu muryango wagaragayemo amakimbirane hagati y'abayobozi aho umuvugizi w'umuryango n'umwungirije bahanganiye kuyobora itorero.	RGB yasesenguye ikibazo isanga amatora ya komite nyobozi yo muri 2019 yarakurikije amategeko. RGB yanasabye komite nyobozi gukemura amakimbirane yari mu muryango no guhuza amategeko shingiro yawo n'itegeko rigenga imiryango ishingiyeye ku myemerere.

Aho byavuye: RGB CSO Monitoring Report 2021-2022

1.6.3.6. GUSESENGURA RAPORO Z'IMITWE YA POLITIKI KU MIKORESHEREZE Y'IMARI

RGB yasesenguye raporo z'imari z'imitwe ya politiki itandatu (6) ariyo; Ishyaka Riharanira Ibudukikije na Demokarasi (DGPR), Ishyaka Riharanira Ukwishyira Ukizana kwa Muntu (PL), Ishyaka riharanira Ubumwe bw'Abanyarwanda na Demokarasi mu Rwanda (UDPR), Ishyaka rya Gisocialiste Rirengera Abakozi mu Rwanda (PSR) n'Ishyaka ry'iterambere n'ubusabane (PPC). Raporo zasesenguye zigaragaza ko imitwe ya politiki yagenzuwe yubahiriza amategeko ayigenga mu birebana n'imikoreshereze y'imari.

1.6.4. IBIGANIRO N'IMIRYANGO ITARI IYA LETA, IMIRYANGO ISHINGIYE KU MYEMERERE N'IMITWE YA POLITIKI

RGB yagiranye ibiganiro n'imiryango ishingiyeye ku myemerere, imitwe ya politiki, imiryango nyarwanda na mvamahanga itari iya Leta hagamijwe kuganira ku ruhare rw'iyi miryango mu iterambere ry'Igihugu.

1.6.4.1. IBIGANIRO N'IMIRYANGO ISHINGIYE KU MYEMERERE

RGB ku bufatanye na Minisiteri y'Uburezi yagiranye ibiganiro n'abahagarariye imiryango ishingiyeye ku myemerere ifite amashuri afashwa na Leta ku bw'amasezerano. Ibi biganiro byibanze ku ruhare rw'iyi miryango mu kunoza serivisi z'uburezi mu gihugu. By'umwihariko, RGB yagaragarije abitabiriye ibi biganiro ibyavuye mu igenzura ry'imiyoborere n'imitangire ya serivisi mu mashuri afashwa na Leta ku bw'amasezerano.

Nyuma y'ibiganiro, hatanzwe ibyifuzonama birimo kuvugurura no gusinya amasezerano y'imikoranyire hagati ya Leta n'imiryango ishingiyeye ku myemerere ifite amashuri afashwa na Leta ku bw'amasezerano, guteza imbere ireme ry'uburezi, gusesengura impamvu zitera abana gucikiriza amashuri ndetse no gushyiraho ingamba zo gukumira no gukemura iki kibazo.



Abitabiriye ibiganiro byahuye RGB, MINEDUC n'abahagarariye imiryango ishingiyeye ku myemerere.

1.6.4.2. IBIGANIRO N'IMIRYANGO NYARWANDA ITARI IYA LETA

RGB yagiranye ibiganiro n'imiryango nyarwanda itari iya Leta byibanze ku iyubahirizwa ry'amategeko, amahame y'imiyoborere n'imitangire ya serivisi, kurwanya ibyaha by'izezandonke, gutera inkunga iterabwoba n'iby'ikwirakwiza ry'intwari za kirimbuzi. Haganirirwe kandi ku myiteguro y'inama y'ihuriro ry'abakuru b'ibihugu na za Guverinoma bikoresha ururimi rw'icyongereza (CHOGM) n'inama yihariye y'imiryango itari iya Leta muri Commonwealth.

Nyuma y'ibiganiro hatanzwe ibyifuzonama birimo kurushaho kubahiriza amategeko, kubaka ubushobozi bw'imiryango itari iya Leta, kwitegura neza no kugira uruhare mu migendekere myiza y'inama ya CHOGM.

Mu bindi biganiro byakozwe, harimo ibyateguwe ku bufanye n'Ihuriro ry'imiryango nyarwanda itari iya Leta (RCSP) na UNDP, byibanze ku ngamba zo kuzirikana ibikorwa biteza imbere abafite ubumuga muri gahunda z'imiyoborere n'iterambere. Bimwe mu byo abitabiriye inama bagaragaje ko bikwiye kongerwamo imbaraga, harimo kongera amashuri yujuje ibisabwa bifasha abana bafite ubumuga kwiga neza no gushyiraho ingamba zo korohereza abafite ubumuga kubona serivisi cyane cyane izitangwa hifashishijwe ikoranabuhanga.

Ikindi kiganiro cyibanze ku mikoreshereze n'imirungire y'ubutaka, cyane cyane ku bibazo bibangamiye abaturage muri serivisi z'ubutaka n'ingamba zo kubikemura. Bimwe mu bibazo byagaragajwe, harimo imirenge imwe n'imwe idafite abakozi bashinzwe serivisi z'ubutaka, ruswa mu itangwa ry'ibyangombwa byo kubaka, ubumenyi buke bw'abaturage ku mategeko n'imirungire y'ubutaka ndetse n'ubutinde bugaragara mu kwishyura abaturage bimwe ku mpamvu z'inyungu rusange. Ni muri urwo rwego RGB yatangije ubukangurambaga bugamije kunoza serivisi z'ubutaka binyujijwe muri gahunda ya Nk'uwikorera.

1.6.4.3. IBIGANIRO N'IMIRYANGO MVAMAHANGA ITARI IYA LETA

RGByagiranye ibiganiron'imiryango mvamahanga itari iya Leta ku iyubahirizwary'amategeko agenga iyi miryango, imitangire ya serivisi, kurwanya ibyaha by'iyezandonke, ibyo gutera inkunga iterabwoba n'iby'ikwirakwiza ry'intwano za kirimbuzi. Muri ibi biganiri, hanagararitswe ku myiteguro y'Inama y'Abakuru b'Ibihugu n'aba za Guverinoma bikoresha ururimi rw'Icyongereza (CHOGM). Nyuma y'ibyo biganiri, abahagarariye imiryango mvamahanga biyemeje kunoza imiyoborere n'imitangire ya serivisi no kugira uruhare mu migendekere myiza ya CHOGM.



Abitabiriye ibiganiri byahuje RGB n'abahagarariye imiryango mvamahanga itari iya Leta .

1.6.4.4. IBIGANIRO N'IMIRYANGO ITARI IYA LETA YO MU BIHUGU BYA COMMONWEALTH

RGB ku bufatanye n'izindi nzego z'Igihugu yateguye inama y'imiryango itari iya Leta yo mu bihugu bigize umuryango wa Commonwealth izwi nka Commonwealth People's Forum (CPF). Inama yitabiriwe n'abatamirwa basaga 250 baturutse mu bihugu 54 bigize Commonwealth. Iyi nama yibanze ku kubaka ubushobozi bw'inzego z'ubuzima mu rwego rwo guhangana n'ibyorezo, kubungabunga ibidukikije, guhangana n'ingaruka z'imihindagurikire y'ikirere no kwimakaza imiyoborere izana impinduka nziza muri sosiyete.





Bamwe mu bitabiriye inama ya CPF.

1.6.4.5. IBIGANIRO BYEREKERANYE NO KURWANYA IBYAHA BY'IEZANDONKE, IBYO GUTERA INKUNGA IBIKORWA BY'ITERABWOBA N'IKWIRAKWIZA RY'INTWARO ZA KIRIMBUZI

RGB ku bufatanye n'Urwego Rushinzwe Ubutasi ku Mari (Financial Intelligence Centre-FIC) yagiranye ibiganiro n'imiryango itari iya Leta n'ishingiye ku myemerere ku byerekeranye no kurwanya ibyaha by'iezandonke, ibyo gutera inkunga ibikorwa by'iterabwoba n'ikwirakwiza ry'intwara za kirimbuzi.

Ibiganiro byagarutse ku nshingano za FIC n'ibikubiye mu myanzuro y'umuryango mpuzamahanga wo kurwanya ibyaha by'iezandonke (Financial Action Task Force-FATF) cyane cyane ingingo ya yo ya munani isaba ibihugu gushyiraho no kuvugura amategako n'amabwiriza bigenga imiryango itari iya Leta, kugira ngo bayirinde kuja mu bikorwa bigamije gutera inkunga iterabwoba.

1.6.5. KONGERERA UBUSHOBOZI IMITWE YA POLITIKI

Hashingiwe ku Itegeko-ngenga n°10/2013 ryo kuwa 12/3/2013 rigenga imitwe ya politiki n'abanyapolitiki mu ngingo yaryo ya 23 nk'uko ryavugururwe muri 2018, RGB yateye imitwe ya politiki inkunga ingana na 55,000,000 Frw aho buri mutwe wahawe 5,000,000 Frw.

1.6.6. KUBAKA UBUSHOBOZI BW'IMIRYANGO ITARI IYA LETA N'ISHINGIYE KU MYEMERERE

RGB yateye inkunga ya 850,689,224 Frw imiryango itari iya Leta n'ishingiye ku myemerere 49 mu rwego rwo kuyubakira ubushobozi no gushyira mu bikorwa imishinga itandukanye iteza imbere abaturage. Ayo mafaranga yavuye mu bafatanyabikorwa barimo UNDP na Leta y'Ubugereki.

Imbonerahamwe ya 29:
Inkunga yahawe imiryango itari iya Leta

No	Umubare w'imiryango yatewe inkunga	Ibikorwa byatewe inkunga	Amafaranga yatanzwe
1	1	Kongerera ubushobozi ihuriro ry'imiryango itari iya Leta	13,344,698
2	6	Guteza imbere amakoperative, urubiyiruko, guhanga umurimo no gusigasira umuco nyarwanda	114,420,010
3	4	Kwegereza abaturage serivisi z'ubuhinzi n'ubworozi	64,733,434
4	14	Imibanire myiza mu miryango, kurengera uburenganzira bw'umwana, kurwanya ihohoterwa rishingiye ku gitsina n'irikorerwa abana	249,252,056
5	11	Kubungabunga ibidukikije	176,482,931
6	4	Kongerera ubushobozi abantu bafite ubumuga	75,000,000
7	6	Kuzahura ubukungu bwazahajwe n'icyorezo cya COVID-19	99,998,819
8	1	Kwimakaza umuco wo gutanga service inoze no kubazwa ishingana	20,000,000
9	1	Kuzamura imibereho myiza y'abaturage	29,777,400
10	1	Guteza imbere ubushakashatsi bugamije iterambere	7,679,876
Igiteranyo		850,689,224	

Aho byavuye: CSO Strengthening Program Monitoring Report 2021-2022

Uretse inkunga y'amafaranga yatanzwe, hahuguwe abantu 259 (abagore 110 n'abagabo 149) barimo abayobozi b'imiryango, abayobora imishinga n'abacungamutungo. Amahugurwa yibanze ku bijyanye n'icungamutungo, imicungire y'imishinga, gukora ubushakashatsi n'ubuvugizi bushingiye ku makuru nyayo, imiyoborere n'iterambere ry'umuryango.

Mu rwego kandi rwo kongerera ubushobozi imiryango itari iya Leta n'ishingiye ku myemerere, hatangijwe gahunda yo kwigiranaho kugira ngo abahawe inkunga barusheho kunoza imikorere no guhanga udushya. Ibikorwa byo kubaka ubushobozi byafashije imiryango kunoza imicungire y'umutungo no gukora ubuvugizi bushingiye ku makuru nyayo.

Bimwe mu byagezweho n'imishinga yatewe inkunga biragaragara mu ishusho ikurikira.

IGIKORWA

GUTEZA IMBERE IMIBEREHO Y'IMIRYANGO ITISHOBOYE



IBYAGEZWEHO

Imiryango 2,154 irimo 2,014 y'abantu bafite ubumuga yahawe amatungo magufi (ihene n'intama). Iyi miryango y'abafite ubumuga kandi yishyuriwe ubwisungane mu kwivuza (mutuelle de santé).

Koperative ICOFSAK, igizwe ahanini n'abangavu batewe inda bo mu karere ka Kamonyi, yahawe inkoko 500 mu rwego rwo kubafasha kwiteza imbere no kurwanya imirire mibi.

Abana 200 bafite ubumuga bahawe inkunga y'ibikoresho bibafasha mu myidagaduro no mu bugororangingo.

Abantu bafite ubumuga bwo kutabona 40 babonye inkoni z'umweru zibafasha kugenda ntawe ubarandase.

URUBYIRUKO RWAHAWE AMAHUGURWA YO KWIHANGIRA IMIRIMO



Urubyiruko 521 rugizwe n'abakobwa 372 n'abahungu 149, bahawe ubumenyi; mu bijyanye n'ikoranabuhanga (50), ubudozi (105), gutunganya imisatsi (75), gukora inkweto (25), gusudira (25), gukora amasabune (100), ibijyanye n'amahoteli (30), ubwubatsi (11), ubuhinzi n'ubworozi bwa kijyambere (100).

KUZAHURA IBIKORWA BY'UBUCURUZI BYAGIZWEHO INGARUKA N'ICYOREZO CYA COVID-19.



Amatsinda abiri y'abagore bakora ubucuruzi bwambukiranya imipaka bo mu Karere ka Rubavu bahawe inkunga y'amafaranga y' u Rwanda 4,000,000 yo kubafasha kuzahura ubucuruzi bwabo.

**GUTANGA IBIGEGA BIFATA
AMAZI Y'IMVURA**



IBYAGEZWEHO

Imiryango 35 yo mu Karere ka Bugesera yahawe ibigega bifata amazi y'imvura mu rwego rwo kurwanya isuri, kuvomerera uturima tw'igikoni no kwimakaza isuku mu ngo.

Amashuri 9 arimo 5 yo mu Karere ka Musanze na 4 yo mu Karere ka Nyagatare yahawe ibigega byo gufata amazi y'imvura mu rwego rwo kurwanya isuri, kuhira ibiti, gukaraba intoki no gusukura amashuri.

**KURENGERA IBIDUKIKIJE
HAKORESHEJWE IMBABURA
ZA KIYAMBERE**



Abaturage 114 (abagore 68, abagabo 46) bo mu Turere twa Rusizi na Nyagatare bigishijwe gukora imbabura za kijyambere mu rwego rwo kurengera ibidukikije no kwihangira imirimo ibyara inyungu.

**GUTERA IBITI HAGAMIJWE
KUBUNGABUNGA IBIDUKIKIJE**



Mu Karere ka Musanze hatewe imigano igera ku 9,400 mu rwego rwo kubungabunga imigezi iri mu nkengero za Pariki y'Ibirunga.

Ibiti bivangwa n'imyaka 17,500 byatewe mu Turere twa Bugesera na Musanze mu rwego rwo kubungabunga ibidukikije.

**GUFASHA ABANGAVU
BATEWE INDA**



Abangavu 360 batewe inda bo mu karere ka Kayonza bafashijwe gushinga Koperative, banaterwa inkunga ya 3,900,000 Frw yo guhinga ibihumyo, mu rwego rwo kwiteza imbere no kurwanya imirire mibi.

1.7

GUKURIKIRANA, KUBAKA UBUSHOBOZI NO GUHUZA IBIKORWA BY'ITANGAZAMAKURU



Muri iki cyiciro, hari hateganyijwe ibikorwa byo kongerera ubushobozi abanyamakuru n'amashyirahamwe yabo, guteza imbere ubunyamwuga mu itangazamakuru binyuze mu gutanga ibihembo ku banyamakuru n'ibitangazamakuru byabaye indashyikirwa, kumenyekanisha ibyavuye mu bushakashatsi ku gipimo cy'iterambere ry'itangazamakuru mu Rwanda (Rwanda Media Barometer-RMB 2021), gutegura umunsi nyafurika w'itangazamakuru no gukora ubukangurambaga ku itegeko ryerekeye kubona amakuru.

1.7.1. KONGERERA UBUSHOBOZI IBITANGAZAMAKURU N'AMASHYIRAHAMWE Y'ABANYAMAKURU

RGB yateye inkunga ibitangazamakuru n'amashyirahamwe abiri y'abanyamakuru mu buryo bukurikira:

Ishyirahamwe ry'Abanyamakuru mu Rwanda (ARJ) ryahawe amafaranga y' u Rwanda angana na 101,135,186 yakoreshejwe mu kwishyura imishahara y'abakozi no mu bindi bikorwa byaryo bya buri muni. Iyo nkunga kandi yatumye ARJ ifasha ibitangazamakuru n'amashyirahamwe kubona aho gukorera haboneye n'ibikoresho, gukora gahunda y'ibikorwa y'igihe kirekire (Strategic Plan) n'inyandiko y'imicungire n'imikoreshereze by'umutungo (financial procedure manual).

Urwego rw'Abanyamakuru bigenzura (RMC) rwahawe 163,799,366 Frw yakoreshejwe mu kwishyura imishahara y'abakozi, ibikoresho no kubaka ubushobozi kugira ngo rubashe gusohozza inshingano zo gukurikirana iyubahirizwa ry'amahame agenga umwuga w'itangazamakuru no gutanga ibyangombwa ku bitangazamakuru no ku banyamakuru.

Igikorwa cyo kubakira RMC ubushobozi, cyatumye ibasha gukurikirana iyubahirizwa ry'amahame y'umwuga w'itangazamakuru, aho yakiriye ikanakemura ibirego 18 byiganjemo ibirebana n'abanyamakuru barezwe gutandukira amahame y'umwuga. RMC yanatanze amakarita y'umwuga ku banyamakuru 575 bakorera ibitangazamakuru byo mu Rwanda na 234 bakorera ibitangazamakuru byo mu bindi bihugu baje gukorera mu Rwanda mu bihe bitandukanye.

RMC yanateguye ubutumwa bugamije kwigisha abakurikira imbuga nkoranyambaga gusesengura amakuru azitangarizwaho kuko byagaragaye ko bamwe mu bazikoresha batangaza amakuru y'ibinyoma ashobora kuyobya abaturage. Ubu butumwa bwatambutse kuri Radio Ishingiro, Radio Izuba, Radio Huguka, Radio Isangano na Country FM.

RGB yatanze kandi inkunga ingana na 168,761,000 Frw yahawe ibitangazamakuru 21 binyuze mu ipiganwa ry'imishinga. Iyi nkunga yatanze ku bufatanye n'Ishami ry'Umuryango w'Abibumbye ryita ku Iterambere (UNDP) n'Ikigo cy'Abasuwisi gishinzwe Iterambere (Swiss Agency for Development and Cooperation) hagamijwe gufasha ibitangazamakuru guhangana n'ingaruka za COVID-19 ndetse no gushyiraho ibikorwa bifasha ibitangazamakuru kwinjiza amafaranga abifasha mu kazi kabyo ka buri muni.

Inkunga yahawe amashyirahamwe y'abanyamakuru (ARJ, RMC) yanafashije gutegura amahugurwa y'abanyamakuru 193 mu byiciro bitandukanye, nk'uko bigaragara mu mbonerahamwe ikurikira:



Imbonerahamwe ya 30: Abanyamakuru bahuguwe n'ibyo bahuguwemo

No	Amahugurwa	Umubare w'abahuguwe		
		Abagore	Abagabo	Igiteranyo
1	Gutegura no kuyobora ibiganiro by'imyidagaduro na siporo kuri radiyo na televiziyo no gukora inkuru zishingiye ku bushakashatsi	9	31	40
2	Gufasha abanyamakuru b'abagore kugira ubumenyi bwo guhanga udushya no guhanga imirimo ishingiyeye ku mwuga bakora	30	-	30
3	Gukora inkuru ku mibereho y'abangavu batewe inda	9	9	18
4	Gukora inkuru ku burenganzira bw'abantu bafite ubumuga	8	12	20
5	Gukora inkuru n'ibiganiro bicukumbuye (Investigative journalism)	8	12	20
6	Gusesengura ukuri kw'ibyatangajwe (fact checking)	7	13	20
7	Gusesengura politiki (Policy analysis)	16	29	45
Igiteranyo		87	106	193

1.7.2. KWIMAKAZA UBUNYAMWUGA MU ITANGAZAMAKURU

Ku bufatanye n'ishyirahamwe ry'Abanyamakuru mu Rwanda (ARJ), n'abafatanyabikorwa batandukanye hatanzwe ibihembo ku bitangazamakuru n'abanyamakuru babaye indashyikirwa mu mwaka wa 2021-2022. Ibi bihembo bitangwa muri gahunda ngarukamwaka izwi nka Development Journalism Awards (DJA).



Ifoto y'urwibutso mu muhango wo gutanga ibihembo muri DJA ya 2021.

Muri uyu mwaka, ipiganwa ryitabiriwe n'abanyamakuru 162, hatoranywa 31 barushije abandi, bahabwa ibihembo bifite agaciro ka 25,000,000 Frw. Iki gikorwa cyagizwemo uruhare n'abafatanyabikorwa batandukanye, batanze ibihembo mu byiciro bitandukanye, nk'uko bigaragara mu mbonerahamwe ikurikira:

Imbonerahamwe ya 31: Inzego n'imiryango bashyigikiye itegurwa rya DJA

No	Umufatanyabikorwa	Icyiciro cy'inkuru yahembye
1.	Ikigo cy'Igihugu Gishinzwe Ubuzima (RBC)	Inkuru n'ibiganiro biteza imbere urwego rw'ubuzima
2.	Plan International Rwanda	Inkuru n'ibiganiro bijyanye n'uburenganzira bw'umwana w'umukobwa
3.	Minisiteri y'Ubuhanzi n'Ubworozi (MINAGRI)	Inkuru n'ibiganiro biteza imbere ubuhinzi n'ubworozi
4.	Ikigo cy'Igihugu gishinzwe Imikurire no Kurengera Umwana (NCDA)	Inkuru n'ibiganiro biteza imbere imikurire no kurengera uburenganzira bw'umwana
5.	Urwego rw'Igihugu rushinzwe kugenzura inzego z'imirimu imwe n'imwe ifitiye igihugu akamaro (RURA)	Inkuru n'ibiganiro biteza imbere ikoranabuhanga
6.	Umuryango Water Aid	Inkuru zikora ubuvugizi bwo kugeza ku baturage ibikorwaremezo by'amazi meza n'ibindi bibafasha mu isuku n'isukura
7.	Minisiteri ishinzwe Impunzi n'Imicungire y'Ibiza (MINEMA)	Inkuru n'ibiganiro bikangurira abaturage kwirinda no gukumira ibiza
8.	Minisiteri ya Siporo (MINISPORTS)	Inkuru n'ibiganiro biteza imbere siporo
9.	Urwego rw'Igihugu rw'Ubuzunguzanya (RIB)	Inkuru zicukumbuye zitanga amakuru afasha mu kurwanya no gukumira ibyaha

Aho byavuye: DJA 2022 Report

1.7.3. GUKURIKIRANA NO GUHUZA IBIKORWA BY'ITANGAZAMAKURU

Ku bijyanye no gukurikirana no guhuza ibikorwa by'itangamakuru hakoze ibi bikurikira: kumenyekanisha ibyavuye mu bushakashatsi ku gipimo cy'iterambere ry'itangazamakuru mu Rwanda (Rwanda Media Barometer-RMB 2021), kwizihiza Umunsi Nyafurika w'itangazamakuru no kumenyekanisha Itegeko ryerekeye kubona amakuru.

1.7.3.1. KUMENYEKANISHA IBYAVUYE MU BUSHAKASHATSI KU GIPIMO CY'ITERAMBERE RY'ITANGAZAMAMAKURU MU RWANDA (RWANDA MEDIA BAROMETER -RMB 2021)

Mu Ugushyingo 2021, RGB yatangaje ku mugaragaro ubushakashatsi ku gipimo cy'iterambere ry'itangazamakuru mu Rwanda mu muhango witabiriwe n'abantu basaga 200 b'ingeri zitandukanye cyane cyane barebwa n'iterambere ry'itangazamakuru cyangwa bafite ibikorwa bifite aho bihurira naryo. Abitabiriye umuhango wo kumurika ku mugaragaro ibyavuye mu bushakashatsi banashyikirijwe ibitabo by'ubu bushakashatsi ndetse banashyirwa ku rubuga rwa interineti rwa RGB. Hanabaye kandi ibiganiro kuri radiyo na televiziyo ku byavuye muri ubu bushakashatsi.

1.7.3.2. KWIZIHIZA UMUNSI NYAFURIKA W'ITANGAZAMAKURU

U Rwanda rwizihije Umunsi Nyafurika w'itangazamakuru mu birori byabaye ku wa 23 Ugushyingo, 2021. Mu kwizihiza uyu munsi, hakoze ibiganiro byahuje abanyamakuru n'inzego zitandukanye zifite uruhare mu iterambere ry'itangazamakuru. Ibiganiro byibanze ku nsanganyamatsiko y'ubunyamwuga no kubona amakuru mu gihe cy'ikoranabuhanga (Media professionalism and Information Access in the Digital Era: Literacy, Data Protection Information accessibility).



Abitabiriye umuhango wo kwizihiza Umunsi Nyafurika w'itangazamakuru muri 2021.

Muri ibi biganiri hagaragajwe ko n'ubwo ikoranabuhanga rifasha cyane mu isakazamakuru, rinaha urubuga abagamije gukwirakwiza amakuru y'ibihuha n'ibinyoma ashobora kuyobya abantu. Imwe mu myanzuro yavuye muri ibi biganiri ni uko hakenewe ingamba zo kongerera ubushobozi abaturage bwo gusesengura amakuru no gutandukanya ukuri n'ibinyoma, bikajyana no kuzamura ubunyamwuga bw'abanyamakuru ku buryo birinda gutangaza no gusakaza ibinyoma.

1.7.3.3 UBUKANGURAMBAGA KU ITEGEO RYEREKEYE KUBONA AMAKURU

RGB yakoze ubukangurambaga ku itegeko ryerekeye kubona amakuru hifashishijwe ibitangazamakuru birimo; Radiyo Huguka, Radiyo Isangano, Radiyo Ishingiro, na Radiyo-televiziyo Izuba. RGB kandi yahuguye abayobozi b'uturere bashya 400 (Komite Nyobozi z'Uturere, Njyanama) ku itegeko ryerekeye kubona amakuru kugira ngo basobanukirwe ibyo basabwa kubahiriza mu rwego rwo gutanga amakuru.

1.7.3.4. IBIGANIRO KU ITERAMBERE RY'ITANGAZAMAKURU

RGB yakoze ibiganiri bitandukanye n'abafatanyabikorwa mu itangazamakuru hagamijwe kungurana ibitekerezo no kurebera hamwe aho iterambere ry'itangazamakuru rigeze, imbogamizi zigaragaramo n'ingamba zikwiye gufatwa.



Abitabiriye ibiganiri ku iterambere ry'itangazamakuru.

Mu ngingo zagarutsweho muri ibi biganiro, harimo politiki n'itegeko bigenga itangazamakuru, ahifujwe ko hakwihutishwa gahunda zo kubivugurura kugira ngo bijyane n'igihe. Indi ngingo yagarutsweho, ni irebana no kuvugurura integanyanyigisho muri za kaminuza n'amashuri makuru byigisha itangazamakuru n'icyifuzo cyo gushyiraho ikigo cy'amahugurwa ahoraho y'abanyamakuru.

1.8. IBIGANIRO KU MIYOBORERE

RGB yagiranye ibiganiro n'abafatanyabikorwa bo mu byiciro binyuranye, birimo: inzego za Leta, imiryango itari iya Leta n'imiryango ishingiyeye ku myemerere. Ibi biganiro byibanze ku miyoborere, imitungire ya serivisi, uburyo bwo kwishakamo ibisubizo, imikorere n'iterambere by'itangazamakuru, iby'imiryango itari iya Leta n'iby'ishingiye ku myemerere.

Umukuru wa RGB yakira itsinda ryavuye Côte d'Ivoire.



Umukuru wa RGB yakira itsinda ry'abayobozi bo muri Zimbabwe.



Umukuru wa RGB yakira itsinda ry'abapolisi biga mu ishuri rikuru rya Polisi y'u Rwanda.

1.8.1. AMATSINDA ATURUTSE HANZE Y'U RWANDA RGB YAKIRIYE

Buri mwaka, RGB yakira amatsinda y'abashyitsi bakorera ingendoshuri mu Rwanda baje kureba aho u Rwanda rugeze mu iterambere n'imiyoborere. Muri uyu mwaka wa 2021-2022, RGB yakiriye amatsinda 23 aturutse mu bihugu bikurikira: Benin, Central Africa Republic, Liberia, Cote d'Ivoire, DRC, Greece, Malawi, Nigeria (amatsinda 3), Norway, Senegal, Singapore, Somalia (amatsinda 3), Sudan, USA (amatsinda 3), na Zimbabwe (amatsinda 3). Andi matsinda RGB yakiriye ni ay'abaturutse mu miryango mpuzamahanga n'ibigo by'ubushakashatsi bikurikira: Banki Nyafurika itsura amajyambere (AfDB), Chandler Institute, George Mason University, Stellenborsch University na School for International Training (SIT). Ibiganiro RGB yagiranye n'aya matsinda byibanze kuri ibi bikurikira: Imiyoborere n'iterambere rirambye mu Rwanda, uruhare rw'imitangire ya serivisi mu mibereho myiza n'iterambere, imiyoborere y'inzego z'ibanze mu Rwanda, imikorere y'imiryango ishingiyeye ku myemerere n'iyitari iya Leta no ku buryo bwo kwishakamo ibisubizo.



Umukuru wa RGB yakira itsinda ryavuye mu Bugereki riyobowe na Ministiri w'Ububanyi n'Amahanga Nikos Dendias.

1.8.2. IBIGANIRO RGB YATANZE MU BAFATANYABIKORWA BATANDUKANYE

RGB yatanze ibiganiro mu mashuri makuru, mu nama zitandukanye, mu bigo no mu nzego bikurikira: Ishuri Rikuru rya Gisirikari, Ishuri rikuru rya Polisi, Polisi y'igihugu, Minisiteri y'Ubutegetsi bw'igihugu, Inteko Ishinga Amategeko y' u Rwanda, Raisina Dialogue (New Delhi, India), Komisiyo ya Afurika yunze Ubumwe no mu nama y'abayobozi b'Imijyi yo mu bihugu bikoresha ururimi rw'Igifaransa.

RGB yatanze ibiganiro mu Itorero ry'Igihugu ku matsinda atandukanye arimo ibyiciro bibiri by'abakozi ba Sosiyete y'u Rwanda ishinze Ingufu (REG) n'itorero rya ba mutimawurugo n'abayobozi b'inzego z'ibanze.

Ibi biganiro byibanze ku ngingo zikurikira: imiyoborere myiza n'uburyo bwo kwishakamo ibisubizo, uruhare rw'ubuyobozi bureba kure mu gushishikariza abaturage kwikemurira ibibazo, kwimakaza amahoro n'iterambere mu gihugu kivuye mu ntambara, uko u Rwanda rwinjije mu igenamigambi ryarwo intego z'iterambere rirambye, uko u Rwanda rwiubatse nyuma ya jenocide yakorewe Abatutsi, kurwanya ruswa n'akarengane, imitangire ya serivisi n'uruhare rw'abaturage mu bibakorerwa.

1.9. UBUYOBOZI N'IMIRIMO RUSANGE



Mu birebana n'ubuyobozi n'imirimo rusange, hari hateganyijwe ibikorwa bitandukanye bigamije kubaka ubushobozi bw'Urwego kugira ngo rubashe gusohoza neza inshingano zarwo. Muri ibyo, harimo gukurikirana ishyirwamubikorwa rya gahunda y'ibikorwa, ingengo y'imari n'amasoko by'umwaka wa 2021-2022 no gutegura iby'umwaka wa 2022-2023, gukurikirana ishyirwamubikorwa ry'ingamba zo kwimakaza ihame ry'uburinganire muri gahunda n'ibikorwa bya RGB n'iby'abafatanyabikorwa. Hari hateganyijwe kandi gukora raporo y'ibikorwa by'umwaka wa 2021-2022.

1.9.1. GUSHYIRAHU INAMA NGISHWANAMA KU MIYOBORERE

Kuri iki gikorwa, hateguwe imbanzirizamushinga y'Iteka rya Perezida wa Repubulika rishyiraho Inama Ngishwanama ku miyoborere. Kuri ubu iracyaganirwaho n'abafatanyabikorwa batandukanye mbere yo gushyikirizwa inzego zibishinzwe.

1.9.2. ISHYIRWAMUBIKORWA RYA GAHUNDA Y'IBIKORWA, INGENGO Y'IMARI N'AMASOKO

Mu mwaka w'ingengo y'imari wa 2021-2022, RGB yari yateganyije ibikorwa 36. Muri byo, 34 (94.4%) byarakozwe birarangira. Igikorwa cyo gushyiraho Inama Ngishwanama ku miyoborere ntikirarangira nk'uko byasobanuwe mu gika cyo hejuru, naho ikitarakozwe ni icyo kwandikisha ku rwego mpuzamahanga uburyo bwo kwishakamo ibisubizo (Ndi Umunyarwanda) kuko cyaburiwe ingengo y'imari.


Ku bijyanye n'ingengo y'imari, RGB yari yagenewe 3,180,305,157 Frw arimo 1,552,260,038 Frw yaturutse mu ingengo y'imari ya Leta na 1,628,045,119 Frw yatanze n'abafatanyabikorwa binyuze mu mishinga itandukanye. Imbonerahamwe ikurikira igaragaza uko ingengo y'imari yakoreshejwe.

Imbonerahamwe ya 32: Ingengo y'imari yakoreshejwe

Aho ingengo y'imari yaturutse	Ingengo y'imari RGB yahawe (Frw)	Ingengo y'imari yakoreshejwe		Ingengo y'imari itarakoreshejwe	
		Umubare (Frw)	Ijanisha	Umubare (Frw)	Ijanisha
Deepening Democracy and Accountable Governance (DDAG) project	681,534,368	497,310,386	73.0	184,223,982	27.0
Strengthening CSOs for Responsive and Accountable Governance project	946,510,751	861,741,370	91.0	84,769,381	9.0
Igiteranyo	1,628,045,119	1,359,051,756	83.5	268,993,363	16.5
Ingengo y'imari yatanze na Leta	1,552,260,038	1,515,625,288	97.6	36,634,750	2.4
Igiteranyo	3,180,305,157	2,874,677,044	90.4	305,628,113	9.6

Muri rusange, ingengo y'imari yakoreshejwe ku kigero cya 90.4%, aho ingengo y'imari itangwa na Leta yakoreshejwe ku kigero cya 97.6% naho iy'imishinga ikoreshwa ku kigero cya 83.5%. Ingengo y'imari y'imishinga yakoreshejwe ku kigero kiri hasi bitewe nuko ibikorwa by'imishinga byambukirany umwaka w'ingengo y'imari.

Ishusho ya 4: Imikoreshereze y'ingengo y'imari



Ku birebana n'ishyirwamubikorwa ry'amasoko, mu mwaka w'ingengo y'imari wa 2021-2022, RGB yari yateganyije gutanga amasoko 26. Amasoko yatanzwe akarangira ni 25 (96.2%) mu gihe rimwe ryasheshwe kuko abaripiganiwe bacye amafaranga arenze ayateganyijwe mu ngengo y'imari.

1.9.3. GUKURIKIRANA ISHYIRWAMUBIKORWA RY'INGAMBA ZO KWIMAKAZA IHAME RY'UBURINGANIRE MURI GAHUNDA N'IBIKORWA BYA RGB N'IBY'ABAFATANYABIKORWA

Mu mwaka wa 2021-2022, ibikorwa byo guteza imbere uburinganire n'ubwuzuzanye hagati y'abagabo n'abagore byibanze ku gushimangira ihame ry'uburinganire n'ubwuzuzanye hagati y'abagabo n'abagore mu bushakashatsi n'amasuzuma bikorwa na RGB, muri gahunda n'ibikorwa byayo n'iby'abafatanyabikorwa.

Muri urwo rwego, ibipimo birebana n'ihame ry'uburinganire n'ubwuzuzanye byinjijwe mu bibazo byakoreshejwe mu bushakashatsi bwakozwe na RGB. Isesengura ry'ubushakashatsi n'igenzura ku miyoborere n'imitangire ya serivisi ryita ku ihame ry'uburinganire n'ubwuzuzanye hagati y'abagabo n'abagore. By'umwihariko, ubushakashatsi ku miyoborere n'imitangire ya serivisi mu nzego zegerejwe abaturage (CRC), bwagarutse ku bibazo bibangamira uburinganire n'ubwuzuzanye mu umuryango nyarwanda. Ibyo bibazo birimo ihohotera rishingiye ku gitsina, amakimbirane mu miryango, inda ziterwa abangavu, abana b'inzererezi ndetse no gucana inyuma no gutandukana kw'abashakanye.

Ihame ry'uburinganire kandi ryitaweho mu bikorwa byo kubaka ubushobozi bw'imiryango nyarwanda itari iya Leta. Ibi byagaragariye mu gutoranya imiryango yagombaga guhabwa inkunga yo gushyira mu bikorwa imishinga yayo. Imiryango 26 yagaragaje ko mu bagenerwabikorwa bayo harimo abagore 5,475 n'abagabo 2,308. Ku biyanye n'amahugurwa yahawe abahagarariye imiryango itari iya Leta, abayitabiriyi barimo abagore 28 n'abagabo 33.

Ibikorwa byo guteza imbere itangamakuru nabyo byita ku ihame ry'uburinganire kuko mu bihembo ngarukamwaka byagenewe abanyamakuru b'indashyikirwa (DJA) harimo ibyihariye byagenewe abakoze inkuru ziteza imbere ihame ry'uburinganire hagati y'abagabo n'abagore. Harimo kandi igihembo cyihariye cyagenewe umunyamakuru w'umugore wahize abandi.

1.9.4. IBINDI BYAKOZWE

1.9.4.1. UBUGENZUZI BW'IMARI YA LETA Y'UMWAKA WA 2020-2021

Mu mwaka w'ingengo y'imari wa 2021-2022, Umugenzuzi Mukuru w'Imari ya Leta yakoze ubugenzuzi bw'imikoreshereze y'ingengo y'imari RGB yahawe mu mwaka wa 2020-2021. Ibyavuye muri ubu bugenzuzi byerekana ko RGB yabonye raporo ntamakemwa (unqualified audit opinion) ku mikoreshereze y'ingengo y'imari itangwa na Leta n'iy'imishinga, haba mu mitegurire ya raporo z'imari (financial statements audit), iyubahirizwa ry'amategeko (compliance audit) ndetse no kudasesagura umutungo wa Leta (value for money audit).

1.9.4.2. KONGERERA UBUSHOBOZI URWEGO N'ABAKOZI BARWO

Mu rwego rwo gukomeza gushyira mu bikorwa gahunda y'imyaka 5 yo kubaka ubushobozi bw'Urwego, abakozi ba RGB bitabiriye amahugurwa atandukanye nk'uko bigaragara mu mbonerahamwe ikurikira:

Imbonerahamwe ya 33: Amahugurwa yahawe abakozi ba RGB

No	Amahugurwa	Umubare w'abahuguwe
1.	Itegeko n'amabwiriza bigenga imitangire y'amasoko ya Leta	8
2.	Kurwanya no gukumira ibyaha by'iyezandonke n'ibyo gutera inkunga iterabwoba mu miryango itari iya Leta	2
3.	Amahame y'imicungire y'ibikorashyamba by'ikorabuhanga bishaje	1
4.	Ikoreshwa ry'uburyo bushya bw'ikorabuhanga mu micungire y'abakozi	1
5.	Ikoreshwa ry'uburyo bushya bw'ikorabuhanga mu gutegura no gusuzuma imihigo y'abakozi	3

1.9.4.3. KWIBUKA KU NSHURO YA 28 JENOSIDE YAKOREWE ABATUTSI

RGB yateguye ibiganiro byo kwibuka ku nshuro ya 28 Jenoside yakorewe Abatutsi mu 1994. Ibi biganiro byahawe abakozi ba RGB bagaragarizwa uko Jenoside yateguwe ikanashyirwa mu bikorwa, uruhare imiyoborere mibi yabigizemo, n'aho Igihugu kigeze cyiyubaka kibikesha imiyoborere myiza.


Ku bufatanye n'imiryango itari iya Leta, abakozi n'abayobozi ba RGB basuye urwibutso rwa jenoside rwa Nyanza-Kicukiro, banaganira ku ruhare rwa sosiyete sivili mu gukumira no kurwanya ipfoby n'ihakana rya Jenoside yakorewe Abatutsi ndetse n'ingengabitekerezo ya Jenoside. Muri icyo gikorwa, hanatanzwe inkunga ya 8,000,000 Frw yashyikirijwe umuryango IBUKA uharanira inyungu z'abarokotse Jenoside yakorewe Abatutsi.



Umukuru wa RGB ashira indabo ku mva rusange ku rwubutso rwa Nyanza-Kicukiro.



Umukuru wa RGB, uwa NINGOs n'uwa RCSP bashyikiriza inkunga uhagarariye IBUKA.





IGICE CYA KABIRI
**IBIKWIYE KWITABWAHO
KU BURYO BW'UMWIHARIKO**


Hashingiwe ku byavuye mu bushakashatsi, isesengura ndetse n'igenzura byakozwe na RGB, ibibazo bikwiye kwitabwaho ku buryo bw'umwihariko ni ibi bikurikira:

2.1. | ICYICIRO CY'UBUHINZI

Serivisi zitangwa mu buhinzi ziracyashimwa ku kigero cyo hasi kuko muri CRC ya 2021 cyari kuri 59.5% naho muri CRC ya 2022 kiri kuri 61.1%.




Ikarita ya 2: Uko abaturage bashima serivisi z'ubuhinzi hakurikijwe uturere



Aho byavuye: CRC ya 2022

Ishusho ya 5: Inzitizi zagaragajwe mu rwego rw'ubuhinzi




Inzitizi abaturage bagaragaje cyane zibangamira ubuhinzi ni imhindagurikire y'ikirere, indwara z'ibihingwa, inganda zitunganya umusaruro zidahagije n'ubuziranenge bw'umusaruro butitabwaho.

2.2. ICYICIRO CY'UBUTAKA N'IMITURIRE

Abaturage bazi serivisi z'ubutaka n'imiturire bazishima ku kigero cya 60.5%, kikaba ari cyo cyiciro gishimwa ku kigero cyo hasi muri CRC ya 2022.




Ikarita ya 3: Uko abaturage bashima serivisi z'ubutaka n'imiturire hakurikijwe uturere



Aho byavuye: CRC ya 2022

Muri serivisi z'ubutaka n'imiturire, hagaragajwe inzitizi zitandukanye nk'uko bigaragara ku ishusho ikurikira:

Ishusho ya 6: Inzitizi zagaragajwe muri serivisi z'ubutaka



Aho byavuye: CRC ya 2022


Kutabona amakuru ahagije ku cyo ubutaka bugenewe gukoreshwa ni yo nzitizi yagaragajwe cyane. Izindi nzitizi ziganje ni ukutubahiriza igihe cyagenwe mu gutanga serivisi z'ubutaka, iminsi micye yagenwe serivisi z'ubutaka ndetse no gutinda kubona uruhushya rwo gukoresha ubutaka icyabugenewe.

2.3. IBIKWIYE KWITABWAHO MU MIKORERE Y'INGO MBONEZAMIKURIRE Y'ABANA BATO (ECDs)

Ubushakashatsi ku mikorere y'ingo mbonezamikurire y'abana bato (ECDs) bwagaragaje ko hakiri ibibazo bibangamiye imikorere y'izi ngo. Inkingi zigaragara ku ishusho ikurikira, zikeneye kwitabwaho by'umwihariko kuko zagaragayemo ibibazo bibangamiye imikorere y'ingo mbonezamikurire y'abana bato.



Ishusho ya 7: Inkingi zagaragayemo ibibazo bikwiye kwitabwaho mu kunoza imikorere y'ingo mbonezamikurire y'abana bato



Aho byavuye: ECD Scorecard 2022

Mu nkingi y'uburere buboneye, hakenewe kuzamura uruhare rw'ababyeyi mu mikorere no mu micungire y'ingo mbonezamikurire y'abana bato. Mu isuku n'isukura, hakenewe kugeza amazi meza mu ngo mbonezamikurire zitayafite, cyane cyane izikorera mu ngo z'abantu ku giti cyabo. Mu nkingi yo gutegura umwana kwiga hakiri kare, hakenewe gushyirwa imbaraga mu bikorwa byo gutegura umwana kwiga, ibikorwa remezo n'ibikoresho mu ngo mbonezamikurire naho mu nkingi yo kurinda no kurengera umwana, hakenewe ingamba zihariye mu kwita ku bana bafite ubumuga n'abafite ibibazo byihariye.

Izindi mbogamizi zagaragajwe n'ubushakashatsi mu mikorere y'ingo mbonezamikurire z'abana bato:

- ▶ Umubare muto w'ingo mbonezamikurire zujuje ibisabwa;
- ▶ Ubwitabire buri hasi bw'abana bagana ingo mbonezamikurire;
- ▶ Serivisi itanoze ya gahunda yo gutanga amata n'ifu ya shisha kibondo;
- ▶ Igenzura n'ikurikiranabikorwa bitaranoga;
- ▶ Amakuru ku ngo mbonezamikurire ataboneka nk'uko bikwiye;
- ▶ Ubumenyi budahagije bw'abarezi ku gutegura umwana kwiga hakiri kare.



2.4. IBIKWIYE KWITABWAHO BYAGARAGAJWE NA RGS YA 9



Imbonerahamwe ya 34:
Ibikiye kwitabwaho byagaragajwe na RGS ya 9

Ibikiye kwitabwaho	Inzego bireba
Kuzahura ubucuruzi mpuzamahanga bwahungabanyijwe na COVID-19, hagamijwe kongera ibyo u Rwanda rwohereza mu mahanga no kuziba icyuho kiri hagati y'ibyo rutumizayo n'ibyo rwoherezayo	MINICOM, MINAGRI
Gushyiraho ingamba zo kugabanya ibirarane by'imanza mu nkiko	Urukiko rw'Ikirenga
Gushyiraho ingamba zo guhangana n'izamuka ry'ibiciro ku masoko no guta agaciro kw'ifaranga ry'u Rwanda	MINECOFIN, MINICOM, BNR

2.5. IBIKWIYE KWITABWAHO MU MIRYANGO NYARWANDA ITARI IYA LETA N'IMIRYANGO ISHINGIYE KU MYEMERERE

Imiryango nyarwanda itari iya Leta n'ishingiye ku myemerere irasabwa kunoza imiyoborere, iyubahirizwa ry'amategeko, gukorera mu mucyo, imicungire y'abakozi n'umutungo no gushyiraho ingamba zo gukumira no kurwanya ibyaha by'iyezandonke, ibyo gutera inkunga ibikorwa by'iterabwoba n'iby'ikwirakwiza ry'intwara za kirimbuzi.



2.6. IBIKWIYE KWITABWAHO MU MITANGIRE YA SERIVISI ZO GUTWARA ABANTU MU BURYO BWA RUSANGE

Muri serivisi zo gutwara abantu mu buryo bwa rusange muri bisi, abagenzi bakoresha igihe kinini bategereje imodoka, cyane cyane mu masaha ya mu gitondo na nimugoroba by'umwihariko mu Muji wa Kigali. Muri izi serivisi kandi, hari ikibazo cyo kutagira uburyo bworohereza abantu bafite ubumuga kubona izi serivisi mu buryo bunoze.





IGICE CYA GATAYU
GAHUNDA Y'IBIKORWA
BY'UMWAKA WA 2022-2023

3. GAHUNDA Y'IBIKORWA Y'UMWAKA WA 2022-2023

Ibikorwa RGB izakora mu mwaka w'ingengo y'imari wa 2022-2023 bikubiye mu byiciro bikurikira:

3.1. UBUSHAKASHATSU KU MIYOBORERE NO GUTEZA IMBERE UBURYO BWO KWISHAKAMO IBISUBIZO

Muri iki cyiciro hateganyijwe ibikorwa bikurikira:

- ▶ Gukora ubushakashatsi ku gipimo cy'imiyoborere mu Rwanda (RGS ya 10);
- ▶ Gukora ubushakashatsi ku ishusho y'uko abaturage babona imiyoborere n'imitangire ya serivisi mu nzego zibegereye (CRC ya 2023);
- ▶ Gukora ubushakashatsi kuri gahunda mbonezamikurire y'abana bato (Early Childhood Development-ECD Scorecard 3rd Edition);
- ▶ Gukora ubushakashatsi ku mikorere n'imikoranire hagati y'inzego;
- ▶ Gusesengura ibyegeranyo mpuzamahanga bivuga ku Rwanda;
- ▶ Gutanga uburenganzira bw'ibanze no gukurikirana ubushakashatsi bukorwa ku miyoborere no ku buryo bwo kwishakamo ibisubizo;
- ▶ Kumenyekanisha ibyavuye mu bushakashatsi;
- ▶ Kwandikisha mu Rwanda uburyo bubiri bwo kwishakamo ibisubizo.

3.2. IMITANGIRE YA SERIVISI, KWIMAKAZA IMIYOBORERE MYIZA NO GUHUZA IBIKORWA BY'IHURIRO RY'ABAFATANYABIKORWA MU ITERAMBERE (JADF)

Muri iki cyiciro, hateganyijwe ibikorwa bikurikira:

- ▶ Kugenzura imitangire ya serivisi mu bigo 45 mu nzego za Leta, iz'abikorera n'iz'imiryango itari iya Leta;
- ▶ Gukora isesengura ryimbitse ku miyoborere n'imitangire ya serivisi mu rwego rwihariye;
- ▶ Gukora ubukangurambaga ku mitangire ya serivisi binyuze muri gahunda ya "Nk'uwikorera";
- ▶ Gutegura ibikorwa by'amarushanwa y' Umurenge Kagame Cup (UKC) no gutanga ibihembo;
- ▶ Gukora ubukangurambaga ku miyoborere, imitangire ya serivisi no kuzamura uruhare rw'abaturage binyuze muri gahunda "Imiyoborere Twifuza";
- ▶ Guhuza ibikorwa bya gahunda yo kwigenzura kwigiranaho (PR&PL);
- ▶ Kugirana ibiganiro n'urubyiruko rwiga mu mashuri yisumbuye, kaminuza n'amashuri makuru hagamijwe kwimakaza amahame y'imiyoborere;
- ▶ Gutegura inama ziteganywa n'itegeko z'ihuriro ry'Abafatanyabikorwa mu iterambere (JADF);
- ▶ Kumenyekanisha ibipimo by'imitangire ya serivisi;
- ▶ Gukurikirana ishyirwamubikorwa ry'ibipimo by'imitangire ya serivisi mu nzego 15;
- ▶ Gutegura amahugurwa ku mitangire ya serivisi mu nzego za Leta, iz'abikorera n'iz'imiryango itari iya Leta.

3.3. KONGERERA UBUSHOBOZI IMITWE YA POLITIKI, IMIRYANGO ISHINGIYE KU MYEMERERE N'IMIRYANGO ITARI IYA LETA

Muri iki cyiciro hateganyijwe ibikorwa bikurikira:

- ▶ Kwandika imiryango mvamahanga itari iya Leta, imiryango nyarwanda itari iya Leta, imiryango ishingiyeye ku myemerere, fondasiyo n'imitwe ya politiki yujuje ibyangombwa bisabwa;
- ▶ Kumenyekanisha no gutanga amahugurwa ku mikoreshereze ya “system” y'ikoranabuhanga yo kwandika imiryango itari iya Leta; imiryango ishingiyeye ku myemerere, fondasiyo n'imitwe ya politiki;
- ▶ Kugenzura imikorere n'iyubahirizwa ry'amategeko mu miryango itari iya Leta, imiryango ishingiyeye ku myemerere, fondasiyo n'imitwe ya politiki;
- ▶ Ibiganiro n' imiryango itari iya Leta, imiryango ishingiyeye ku myemerere n'imitwe ya politiki ku bijyanye n'imiyoborere, imitangire ya serivisi n'iyubahirizwa ry'amategeko;
- ▶ Kongerera ubushobozi imitwe ya politiki;
- ▶ Kongerera ubushobozi imiryango itari iya Leta n'ishingiyeye ku myemerere;
- ▶ Gukora ubushakashatsi ku gipimo cy'iterambere ry'imiryango itari iya Leta.

3.4. GUTEZA IMBERE ITANGAZAMAKURU

Muri iki cyiciro hateganyijwe ibikorwa bikurikira:

- ▶ Gukora ubushakashatsi ku bushobozi bw'ibitangazamakuru n'amashyirahamwe y'abanyamakuru;
- ▶ Kongerera ubushobozi amashyirahamwe y'abanyamakuru n'ibitangazamakuru;
- ▶ Guteza imbere ubunyamwuga mu itangazamakuru binyuze mu gutanga ibihembo ku banyamakuru n'ibitangazamakuru byabaye indashyikirwa ;
- ▶ Gutegura itorero impamyabigwi (phase 4) ;
- ▶ Gutegura Umunsi Nyafurika w'Itangazamakuru;
- ▶ Ubukangurambaga ku itegeko ryerekeye kubona amakuru.

3.5. UBUYOBOZI N'IMIRIMO RUSANGE NO KUBAKA UBUSHOBOZI BW'URWEGO

Muri iki cyiciro hateganyijwe ibikorwa bikurikira:

- ▶ Gukurikirana ishyirwamubikorwa rya gahunda y'ibikorwa, ingengo y'imari n'amasoko by'umwaka wa 2022-2023;
- ▶ Gutegura gahunda y'ibikorwa n'ingengo y'imari bya 2023-2024;
- ▶ Gukurikirana ishyirwamubikorwa ry'ingamba zo kwimakaza ihame ry'uburinganire muri gahunda n'ibikorwa byose bya RGB no mu by'Abafatanyabikorwa;
- ▶ Gutegura raporo ya RGB y'ibikorwa y'umwaka wa 2022-2023.

3.6. INGENGO Y'IMARI YA RGB YA 2022-2023

Mu mwaka w'ingengo y'imari wa 2022-2023, RGB iteganya gukoresha ingengo y'imari ingana na 2,834,249,279 Frw, nk'uko bigaragara mu mbonerahamwe ikurikira.

Imbonerahamwe ya 35: Ingengo y'imari ya RGB 2022-2023

No	Ingengo y'imari ya RGB ya 2022/2023	
I	Ingengo y'Imari itangwa na Leta	1,914,944,508
1	Ubuyobozi n'imirimo rusange	1,431,718,060
2	Ubushakashatsi ku miyoborere	218,583,000
3	Ibiganiro bigamije ubuvugizi, ubujyanama no guhana ubumenyi	4,000,000
4	Imitangire ya serivisi, imiyoborere myiza na JADF	61,700,000
5	Guteza imbere imitwe ya politiki, imiryango itari iya Leta n'ishingiye ku myemerere	158,943,448
6	Guteza imbere urwego rw'itangazamakuru	40,000,000
II	Imishinga	919,304,771
1	DDAG	396,635,603
2	CSOs	522,669,168
IGITERANYO		2,834,249,279



IGICE CYA KANE
IMIGEREKA

IMIGEREKA

1. Rwanda Governance Scorecard 9th Edition
2. Ishusho y'uko abaturage babona imiyoborere n'imitangire ya serivisi mu nzego zibegereye (CRC ya 2022)
3. ECD Scorecard, 2nd Edition
4. RGB plan of action 2022-2023



RAPORO Y'IBIKORWA Y'UMWAKA
2021-2022

GAHUNDA Y'IBIKORWA Y'UMWAKA
2022-2023